




又 8  
1047  
1



門又伊8  
號1047  
卷

東  
學

利  
282  
1

友廟誦考

明  
治  
卅  
四  
年  
三  
月  
廿  
三  
日  
那  
錢  
陶  
翁  
贈

同治十一年十月  
浙江書局校刊

文廟通考敘

道光乙未丙申間余館直隸蔚州署借得文廟錄一書喜甚其主迫索之遂竭八日夜之力行書鈔之手腕爲之酸痛珍甚後竟爲人篡去則悶甚及來蜀於書肆見南充唐晞三先生所輯文廟通錄則又喜甚問其書亦寥寥僅有搜買數部回家後分贈親友之能讀書者此次來川遍問書肆則渺然矣函索南充寅友乃得之旣而王介堂司馬以寄存聖域述聞板印送多部則黃君本驥原本王燕堂太守所刻也兩書對校同異相錯而近年從祀諸人皆缺焉余乃爲借書校補鏤板而歸之

以成全璧蓋余之珍重此書爲之離合欣戚於其間者  
實有年矣旣念吾省邊域 聖廟之中終歲塵積誰復  
知兩廡之爲何人者至於邇年變亂滿地烟塵瓦全之  
區亦往往爲兵勇所凌轢烟突殿壁裊櫺廡廊者更無  
論也嗚呼泮水一脈天下萬世之命脈也顧乃褻越陵  
夷至於不堪斯亦浩刼之肇端者乎區區之心思欲挽  
救而無其術迺參述聞通錄二書節錄授梓省工費也  
題曰通考仿舊名也將來攜板回籍設法廣布俾有心  
者略識羣賢之面目以循循於夫子之宮牆庶幾士爲  
民倡膠庠復聞雅頌之聲閭里亦識豆觴之意豈不懿

哉豚蹄篝車癡心奢願然天時人事或兩相際也歌風  
而銷兵氣習禮而觀太平庶其旦暮遇之哉

同治八年歲次己巳三月上旬牛樹梅謹識於成都寓

邸

文廟通考目錄

卷首

崇聖祠正中

肇聖王木金

裕聖王祈父

詒聖王防叔

昌聖王伯夏

啓聖王叔梁紇

崇聖祠配享先賢

孔氏孟皮

顏氏無繇

孔氏鯉

曾氏點

孟孫氏激

西

崇聖祠從祀先儒

周氏輔成

程氏珦

蔡氏元定

張氏迪

朱氏松

西

卷一

大成殿正中

至聖先師孔子

大成殿四配

復聖顏子

述聖子思子

宗聖曾子

亞聖孟子

東 西

大成殿十二哲

閔子損

冉子雍

端木子賜

仲子由

卜子商

有子若

東

冉子耕

宰子子

冉子求

言子偃

顓孫子師

朱子熹

西

卷二

兩廡先賢

東合七十九位  
西

蘧子瑗

公孫子僑

澹臺子滅明

林子放

原子憲

宓子不齊

南宮子适

公冶子長

商子瞿

公皙子哀

漆雕子開

高子柴

司馬子耕

樊子須

梁子鱣

商子澤

冉子孺

巫馬子施

柏子 虔

顏子 辛

冉子 季

曹子 卹

漆雕子 徒父

公孫子 龍

漆雕子 哆

秦子 商

公西子 赤

顏子 高

任子 不齊

壤駟子 赤

公良子 孺

石作子 蜀

公肩子 定

公夏子 首

鄔子 單

后子 處

罕父子 黑

奚容子 葳

榮子 旗

顏子 祖

左人子 郢

句井子 疆

鄭子 國

秦子 祖

原子 亢

縣子 成

廉子 潔

公孫子 句茲

叔仲子 會

燕子 伋

公西子 興如

樂子 欬

邾子 異

狄子 黑

陳子 亢

孔子 忠

琴子 張

公西子 葳

步叔子 乘

顏子 之僕

秦子 非

施子 之常

顏子 噲

申子 楨

顏子 何

左子 丘明

縣子 亶

秦子 冉

公明子 儀

牧子 皮

樂正子 克

公都子

萬子 章

公孫子 丑

周子 敦頤

程子 顛

邵子 雍

張子載 程子頤

卷三

兩廡先儒東合六十三位

公羊子高 穀梁子赤 伏子勝

高堂子生 毛子亨 孔子安國

董子仲舒 毛子萇 后子蒼

杜子子春 鄭子康成 范子甯

諸葛子亮 王子通 陸子贄

韓子愈 韓子琦

卷四

范子仲淹 歐陽子修 胡子瑗

司馬子光 楊子時 尹子焯

謝子良佐 胡子安國 李子綱

羅子從彥 李子侗

卷五

陸子九淵 張子栻 呂子祖謙

袁子燮 黃子幹 陳子涪

蔡子沈 眞子德秀 魏子了翁

何子基 王子柏 金子履祥

文子天祥 陸子秀夫 趙子復



陳子

澔

許子

謙

許子

衡

吳子

澄

卷六

方子

孝孺

曹子

端

薛子

瑄

胡子

居仁

陳子

獻章

蔡子

清

王子

守仁

羅子

欽順

呂子

耕

呂子

坤

劉子

宗周

黃子

道周

孫子

奇逢

湯子

斌

陸子

隴其

張子

履祥

文廟通考卷首

崇聖祠正位

肇聖王孔氏

木金父

裕聖王孔氏

祈父

諡聖王孔氏

防叔

昌聖王孔氏

伯夏

啓聖王孔氏

叔梁紇

孔子之先宋之後也初微子封於宋微子卒嫡子早亡傳弟思衍號曰微仲四傳至弗父何遜國於弟厲公何世爲宋卿再傳至正考父考父生孔父嘉五世親盡別

爲公族始以孔爲氏焉一日孔父者生時所賜之姓也嘉生木金父金  
父生祈父祈父生防叔避華氏之禍而奔魯防叔生伯  
夏伯夏生叔梁紇紇娶施氏生九女而無子其妾生孟  
皮孟皮病足乃求昏於顏氏顏氏有三女其幼曰徵在  
顏父問三女曰陬大夫雖父祖爲士然其先聖王之裔  
今其人身長十尺武力絕倫吾甚貪之雖年長性嚴不  
足爲疑三子孰能爲之妻二女莫對徵在進曰從父所  
制將何問焉父曰卽爾能矣遂以妻之徵在禱於尼丘  
之山生孔子於魯昌平陬邑闕里志晉荀偃士句請伐偃  
陽而封宋向戌焉圍之弗克偃陽人啓門諸侯之士門

焉懸門發鄒人紇抉之以出門者左襄十年孔子三歲父卒  
二十四母卒合葬於防

宋大中祥符元年封聖父魯國公建堂於曲阜元至順  
元年加封啓聖王建祠於天下學宮名曰啓聖祠以顏  
曾思孟之父配享周程朱子之父及蔡元定從祀

本朝雍正二年追封至聖五代爲王爵增張子載之父  
從祀更啓聖祠曰崇聖祠

崇聖祠配享先賢

先賢孔氏東

孔氏孟皮字伯尼孔子之兄子蔑名忠之父

國朝咸豐六年配享崇聖祠

先賢顏氏

東

顏氏名無繇字路顏子之父孔子始教闕里嘗受學焉  
家語唐開元二十七年從祀廟庭明嘉靖九年改配啓聖祠稱先賢

先賢孔氏

東

孔氏名鯉字伯魚孔子子也孔子十九歲娶宋卞官氏  
生伯魚魚之生也魯昭公以鯉魚賜孔子榮君之貺故  
因名鯉而字伯魚家語伯魚年五十先孔子卒生子伋宋  
咸淳三年從祀廟庭明嘉靖九年改配啓聖祠稱先賢

先賢曾氏

西

曾氏名點字皙曾子之父孔子始教嘗受學焉家語唐開  
元二十七年從祀廟庭明嘉靖九年改配啓聖祠稱先  
賢

先賢孟孫氏

西

孟孫氏名激字公宜孟子之父元延祐三年追封邾國  
公明嘉靖九年配享啓聖祠稱先賢

崇聖祠從祀先儒

先儒周氏

東

周氏名輔臣字伯大敦頤之父祥符八年登進士第爲

賀州桂嶺令多善政操守孤高卒贈諫議大夫明萬歷二十三年從祀啓聖祠稱先儒

先儒程氏

東

程氏名珦字伯溫顛頤之父曾祖羽太宗時兵部侍郎父適贈司空仁宗錄舊臣後授珦廬陵縣尉改知虔州事虔人素號難治珦以德化民人咸信服在邑幾年而獄空者歲餘江西狡民善爲古券契田訟最爲難辨而虔尤甚旁邑有爭積十餘歲不能決部使者以委珦根連證佐囂然盈庭珦獨呼爭者前訊之不十數語盡得其情遂皆服事決於頃刻之間人以其神就移知龔

州事時宜州反獠歐希範旣誅鄉人忽傳其降言當爲我南海立祠於是迎其神以往自宜至龔歷數州矣莫之禁也珦使詰之對曰過潯州守以爲妖投奉神之具於江中逆流而上守懼乃更致禮珦曰試再投之越人畏鬼甚於畏官皆莫敢前珦杖不奉命者及投之乃流去人方信其爲妄知徐州沛縣事會久雨平原出水穀旣不登晚種不入募富家得豆數千石以貸民使布之水中水未盡涸而甲已露矣是年遂不艱食移知磁州神宗卽位之歲城中瓦屋及濠水上冰漸盤屈成花卉之狀奇怪駭曰郡官皆以爲嘉瑞請以上聞珦曰石晉

之未嘗有此朝廷豈不惡之眾皆服代還知漢州事蜀俗輕薄而珣臨之以安靜視事之翌日上謝表命園中取竹爲笛眾吏持笛走白殺青而文見於中曰君王萬歲珣知其僞不應吏懼而退中元節宴開元寺蓋盛遊也酒方行眾呼曰佛光見觀者相騰踏不可禁珣安坐不動頌之乃定大興州學親視敦勉士人從化者甚眾哲宗卽位覃恩遷大中大夫累封永年縣開國伯元祐五年正月卒年八十五珣慈恕而剛斷平居與幼賤語惟恐有傷其意至於犯義理則不假也左右使令人無日不察其飢飽寒煖與人接淡而有常不妄交遊於所

信愛久而益篤又善知人嘗識周敦頤於屬椽之中每薦以自代又命二子顥頤師事之卒成大儒晚與文彥博席汝言司馬旦爲同年會賦詩繪像世以爲盛事比唐九老年七十卽自爲墓誌紀履歷始終而已戒子孫勿求碑銘文彥博蘇頌等表其清節詔賜帛二百官給其塋明嘉靖九年從祀啓聖祠稱先儒

先儒張氏

西

張氏名迪載之父世大梁人仕仁宗朝終於殿中丞知涪州事贈尙書都官郎中卒於官諸孤皆幼不克歸僑寓於鳳翔郿縣橫渠鎮之南大振谷口因徙而家焉

本朝雍正二年從祀崇聖祠稱先儒

先儒朱氏

西

朱氏名松字喬年朱子之父自幼豪爽出語驚人及長折節讀書慕賈誼陸贄之學久之從羅從彥問道授業踐修愈篤政和八年登第授建州政和尉居父喪值亂寓於州之崇安服除調劍州尤溪尉監泉州石井鎮生朱子於官舍告歸十餘年召試館職除祕書省正字與修神宗正史哲徽兩朝實錄而於哲錄用力爲多其辨明誣謗刊正乖謬之功具見褒詔後以抗疏阻和議忤秦檜出知饒州請告老及疾革屬子熹曰籍溪胡原仲

白水劉致中屏山劉彥沖三人學有淵源吾所敬畏吾卽死汝往事之而惟其言之聽遂卒松力行砥礪嘗自病其辨急害道取古人佩革之義名齋以燕處而讀書焉大明六經要旨而徽之理學實松開其先云所爲之文氣格高逸翛然迥出上丞相李綱書直言無隱深中南宋時弊元至正間追謚獻靖明嘉靖九年從祀啓聖祠稱先儒

先儒蔡氏

東

蔡氏名元定字季通沈之父少而穎異日記千百言父發博覽羣書以程子語錄邵子經世張子正蒙授之曰

此孔孟正脈也元定登西山絕頂忍飢啖齋以讀之深涵其義而辨析益精聞朱子倡學往師之朱子叩其學驚曰吾老友也不當在弟子列每對榻講論或至通夕不暇假寐嘗語人曰造化微妙惟深於理者能識之吾與季通言而不厭也凡書盤錯肯綮不可以句者元定剖析爬梳無不暢達朱子稱曰人讀易書難季通讀難書易每諸生請益必令先質元定而後爲之折衷時韓侂胄擅政設僞學之禁臺諫承風排擊元定自知不免及沈繼祖劉三傑連詆朱子遂逮元定謫道州舂陵元定毅然上道不辭家而行朱子偕從遊數百人餞之蕭

寺元定至寒暄外無嗟勞語論參同疑義意象灑然酒旣行坐者咸感歎唏噓或至泣下元定不異平時怡然賦詩有執手笑相別無爲兒女悲句朱子喟然曰友朋相愛之情季通不挫之志可謂兩得矣徒步行三千里足爲流血無幾微見於言面州士子莫不趨席下以聽講說有一生素挾才簡傲亦心服執弟子禮人爲語曰初不敬今納命愛之者謂宜謝生徒元定曰彼以學來何忍拒之若有禍患亦非關門塞竇所能避也每言朱子立教先訓詁文義下學而上達然世道衰微邪說交作學者非知本原未必不惑於異端故其教人以性與

天道爲先白本而支自源而流聞者多至興起元定平生以孝弟忠信儀型於家至是移書誡諸子曰獨行不愧影獨寢不愧衾勿以吾得罪故遂懈其志在州逾年一日謂子沈曰可謝客吾將安靜以還造化舊物閱九日移寢正室牖間有聲若墜石者再頃之而逝時慶元四年八月九日也年六十四元定事朱子久道德性命心融意解尤長於天文地理樂律歷數兵陣之說所著有洪範解大衍詳說律呂新書侂冑旣誅贈迪功郎尋謚文節明嘉靖九年從祀啓聖祠稱先儒

文廟通考卷一

至聖先師孔子

孔子名丘字仲尼周魯人生襄公二十二年庚戌十月庚子未生之時有麟吐玉書於闕里其文曰水精之子繼衰周而爲素王顏氏異之以繡黻繫麟之角信宿而去六歲爲兒嬉戲常陳俎豆設禮容及長爲委吏料量平爲司職吏畜蕃息昭公十二年辛未孔子年二十二始教闕里十七年丙子郊子朝魯孔子見而問官旣而告人曰吾聞之天子失官學在四夷猶信又聞師襄子善琴往學焉襄子曰子於琴已習可以益矣孔子曰某



未得其數也有閒曰已習其數可以益矣曰某未得其志也有閒曰已習其志可以益矣曰某未得其爲人也其爲人矣近黜而黑頎然長曠如望羊奄有四方非文王其孰能爲此師襄子避席葉拱而對曰子聖人也魯君與孔子一車兩馬豎子侍御令敬叔與俱至周問禮於老聃訪樂於萇宏觀於明堂入后稷廟觀廟右階前金人三緘其口而銘其背喟然興歎自周反魯弟子稍益進昭公二十五年季孫意如與仲孫叔孫攻昭公公奔齊而魯亂孔子適齊與景公坐有頃左右白曰周使至言先王廟災孔子謂必釐王之廟使人問之果然在齊聞韶樂旣又與景公論政公大悅將封以尼谿之田晏嬰不可公惑之孔子遂行反乎魯定公初年陪臣陽虎作亂專國政故孔子不仕而退修詩書禮樂弟子益衆九年孔子年五十一公山不狃以費畔召孔子孔子欲往而卒不行是年定公以孔子爲中都宰制爲養生送死之節長幼異食強弱異任男女別途路不拾遺器不雕僞市不二價爲四寸之棺五寸之槨因邱陵爲墳不封不樹行之一年四方則之遂爲司寇有父子訟者同控執之三月不別其父請止赦之由是法設而不用

國無奸民初季平子葬昭公於墓道南孔子溝而合諸墓焉十年相定公會齊侯於夾谷齊人歸魯侵地十三年使仲由爲季氏宰墮三都收兵甲孟氏不肯墮成圍之不克十四年孔子年五十六攝行相事誅少正卯與聞國政三月魯國大治齊人餽女樂以沮之季桓子受之郊又不致膳俎於大夫孔子行適衛主於子路妻兄顏濁鄒家適陳過匡匡人以其爲陽虎而拘之既解還衛主蘧伯玉家見南子去適宋司馬桓魋欲殺之又去適陳主司城貞子家居三歲而反乎衛靈公不能用晉趙氏家臣佛肸以中牟畔召孔子孔子欲往亦不果將西

見趙簡子至河乃還息乎陬鄉作息陬操以哀之而反乎衛又主蘧伯玉家靈公問陳不對而行復如陳季桓子卒遺言謂康子必召孔子其臣止之康子乃召冉求孔子如蔡及葉楚昭公將以書社封孔子令尹子西不可乃止又反乎衛時靈公已卒衛君輒欲得孔子爲政而冉求爲季氏將與齊戰有功康子乃召孔子而孔子歸魯實哀公之十一年孔子年六十八矣然魯終不能用孔子孔子亦不求仕乃敘書傳禮記刪詩正樂序易彖繫象說卦文言弟子蓋三千焉身通六藝者七十二人十四年魯西狩獲麟孔子作春秋明年子路歿於衛

十六年壬戌四月己丑孔子卒年七十三弟子皆服心喪三年而去惟子貢廬於墓側凡六年弟子及魯人往從冢而家者百有餘室因命曰孔里自漢高帝以太牢祀於闕里天下始知尊孔子唐開元二十七年追謚文宣王宋大中祥符元年加謚大成至聖文宣王明嘉靖九年去王號稱至聖先師孔子

本朝順治二年加謚大成至聖文宣先師孔子十四年仍改稱至聖先師孔子  
孔子生卒年月日諸家紛紛記載不一今會典以八月二十七日為至聖誕辰即魯襄公二十一年庚戌之歲十一月庚子也其

卒則今之二月十八日也即魯哀公十六年四月己丑也

歷代褒崇

漢高祖詔祀孔子以太牢諸侯王卿相至郡先謁廟後

從政祀孔子始此

平帝元始元年謚孔子褒成宣公稱公始此

後漢明帝永平二年詔學校皆祀周公孔子十五年幸

闕里祀孔子及七十二弟子祀學始此

靈帝光和元年置鴻都門學畫先聖及七十二弟子象

畫像始此

魏文帝黃初中詔起舊廟設卒守衛齊王正始七年令

太常釋奠以太牢祀於辟雍以顏淵配釋奠大學始此前皆祀於

闕里

北魏孝文帝太和十六年親修謁拜禮改諡文聖尼父

文成帝詔宣尼之廟別敕有司薦享有司行薦享始此

隋文帝開皇初贈孔子為先師尼父周公為先聖南面

孔子東西制國學州縣學春秋釋奠州縣釋奠始此

唐高祖武德二年詔國學分立周公孔子廟周孔各廟始此

太宗貞觀四年詔州縣立廟致祭以左邱明等配徧

天下學以先儒配始此元宗開元十三年諡文宣王

宋太祖建隆二年詔文廟門立戟十六真宗咸平三年

諡元聖文宣王大中祥符二年詔太常院定州縣禮

器數仁宗至和二年詔封孔子後為衍聖公衍聖之稱始此

元世祖詔釋奠官員各公服諸儒欄帶唐巾行禮執事諸儒

變常服始此武宗追諡大成至聖文宣王

明太祖洪武三年更定釋奠孔子祭器禮物初孔子之

祀像設高座而器物陳於座下弗稱其儀其來已久

至是定擬為高案其籩豆簠簋悉代以瓷器二十六

年頒大成樂器於天下

世宗嘉靖九年更號曰至聖先師孔子用木主

按明史嘉靖九年禮部議曰人以聖人為至聖人以

文廟通考 卷一 五  
孔子爲至宋真宗稱孔子爲至聖其義已備今宜去  
王號及大成文宣之稱至聖先師孔子稱廟不宜稱  
殿其四配稱復聖宗聖述聖亞聖十哲以下及門弟  
子皆稱先賢某子左邱明以下皆稱先儒某子一切  
公侯伯不宜復稱以混成周封爵之制章服之加起  
於塑像今宜遵國子監規製木主擬定大小尺寸著  
爲定式塑像卽令屏撤以別釋氏之教疏入報可  
皇清順治二年定謚爲大成至聖文宣先師孔子十四  
年改謚爲至聖先師孔子

康熙二十三年

欽頒萬世師表扁額

康熙三十五年

欽頒孔子贊顏曾思孟四子贊立碑

孔子贊

并序

蓋自三才建而天地不居其功一中傳而聖人代宣其  
蘊有行道之聖得位以緩猷有明道之聖立言以垂憲  
此正學之所以常明而人道之所以不泯也粵稽往緒  
仰遡前徽堯舜禹湯文武達而在上兼君師之寄行道  
之聖人也孔子不得位窮而在下秉刪述之權明道之  
聖人也行道者勳業炳於一朝明道者教思周於百世

堯舜文武之後不有孔子則學術終淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生金聲玉振集厥大成序書刪詩定禮正樂旣窮象繫亦巖筆削上紹往緒下示來型道不終晦秩然大經百家紛紜殊途異趣日

月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勛哉令圖遡源洙泗景躅唐虞載歷庭除視觀禮器摛毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海洋洋牆高萬仞夫子之堂孰窺其藩孰窺其徑道不遠人克念作聖

顏子贊

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用舍

文廟通考 卷一  
行藏王佐之器

曾子贊

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂成統緒修明訓辭

子思子贊

於穆天命道之太原靜存動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

孟子贊

哲人旣萎楊墨昌熾子輿闢之曰仁曰義性善獨存知言養氣道稱堯舜學屏功利煌煌七篇並垂六藝孔學攸傳禹功作配

雍正四年

欽頌生民未有匾額

乾隆三年

欽頌與天地參匾額

嘉慶五年

欽頌聖集大成匾額

道光二年

欽頌聖協時中匾額

咸豐元年

欽頌德齊覆幬匾額

同治元年

欽頌聖神天縱匾額

大成殿四配

復聖顏子名回字子淵其先出自黃帝之孫晏安為曹  
 姓國於邾邾武公名夷甫字伯顏其子友別封郎為小  
 邾子以顏為氏世為魯卿大夫顏子少孔子三十歲貧  
 而好學年二十九而髮盡白三十二而歿魯定公嘗問  
 於顏淵曰子亦聞東郭畢之善御乎對曰善則善矣雖  
 然其馬必佚定公不悅後三日牧來訴之曰東郭畢之  
 馬佚兩驂曳兩服入廐定公越席而起趣駕召顏子公  
 曰前日寡人問吾子吾子曰東郭畢之馬將必佚不識  
 吾子何以知之對曰臣以政知之昔者堯舜巧於使民



而造父巧於使馬舜不窮其民力造父不窮其馬力是以舜無佚民造父無佚馬今東郭畢之御也升車執轡御體正矣步驟馳騁朝禮畢矣歷險致遠馬力盡矣然而猶乃求馬不已臣以此知之公曰吾子之言其義大矣願少進對曰臣聞鳥窮則啄獸窮則攫人窮則詐馬窮則佚自古及今未有窮其下而能無危者也唐封堯公宋贈堯國公元封復聖公明去公爵稱復聖顏子宗聖曾子名參字子輿南武城人其先爲鄆子之後莒人滅鄆遂去卽爲曾氏曾子少孔子四十六歲敝衣而耕於魯魯君聞之致邑焉曾子固辭不受曾子性魯卒

聞一貫之旨事親孝孔子授之以孝經營自言曰往而不可還者親也至而不可加者年也是故孝子欲養而親不逮也木欲直而時不逮也椎牛而祭墓不如雞黍之逮親存也吾嘗仕齊爲吏祿不過鍾釜尚猶欣欣而喜者非以爲多也樂其逮親存也親沒之後吾嘗南遊於楚得尊官堂高九仞榱三尺殷轂百乘然猶北向而泣者非爲賤也悲不見吾親也年七十卒唐封成伯宋封郟國公明去公爵稱宗聖曾子

述聖子思子名伋幼侍孔子孔子喟然而歎子思請曰意子孫不修將忝祖乎羨堯舜之道恨不及乎孔子曰

爾孺子安知吾志對曰仍亟聞夫子之教其父析薪其子弗克負荷是謂不肖彼每思之所以大恐而不解也孔子欣然笑曰然乎吾無憂矣已而受業於曾子於道統之傳獨得其宗作中庸其在魯也告穆公以惠百姓除非法毀不居之室以賜窮民奪嬖寵之祿以振困匱慕周公伯禽之治行其政化開公家之惠杜私門之利公甚尊禮之公亟見子思欲以爲相子思不願去魯居衛言苟變於衛君曰其材可將五百乘君曰吾知其材可將然變也嘗爲吏賦於民而食人二雞子以故弗用也對曰夫聖人之官人猶大匠之用木取其所長棄其所短故杞梓連抱而有數尺之朽良工不棄今君處戰國之世選爪牙之士而以二卵棄千城之將此不可使聞於鄰國也衛君言計非是而羣臣和者如出一口子思謂衛君曰君之國事將日非矣君出言皆自以爲是而卿大夫莫敢矯其非卿大夫出言亦皆自以爲是而士庶人莫敢矯其非君臣旣自賢矣羣下同聲賢之賢之則順而有福矯之則逆而有禍如此則善安從生詩云具曰予聖誰知烏之雌雄抑亦似衛之君臣乎反魯教授其徒數百人而道卒傳於孟子宋封沂國公明去公爵稱述聖子思子

孔氏世系

述聖生齊威王相白一作帛字子上白生求一作永字子家

求生魏文侯相箕字子京箕生穿字子高穿生魏安釐

王相文信君謙一作順一作允字子慎謙生鮒字子魚為

陳涉博士鮒弟騰字子襄東都事略及宋史孔宣傳皆謂子襄為鮒弟之子非是今

從史記孔子世家及唐宰相世系表漢高祖封為奉嗣君惠帝時為博士

遷長沙太傅騰生博士忠字子貞一作正忠生武武生

大將軍太傅延年延年生給事中高密相霸字次孺封

太師賜爵關內侯號褒成君諡曰烈霸生福福生房房

生尚書郎均本名莽避王莽諱改字長平元始元年封褒成侯王

莽時失國均生大司馬志建武十四年復封褒成侯諡

元成志生損永元四年徙封褒亭侯損生曜一作曜曜侯

曜生完一作元以弟子魏奉議郎美嗣黃初二年封宗聖

侯美生晉太常卿黃門侍郎震泰始三年徙封奉聖亭

侯震生嶷嶷生豫章太守撫撫生從事中郎懿一作毅自

嶷以下皆襲奉聖亭侯懿生鮮一云名隱之宋元嘉十九年

封奉聖侯鮮生乘後魏延興三年改封崇聖大夫乘生

祕書郎靈珍名珍云太和十九年改封崇聖侯靈珍生文

泰襲侯文泰生渠一作長北齊天保元年封恭聖侯北周

大象二年改封鄒國公渠生長孫隋襲封鄒國公長孫

生吳郡主簿嗣哲一作英哲大業四年改封紹聖侯以弟子

德倫嗣唐貞觀十一年改封襄聖侯德倫生朝散大夫

崇基襲侯崇基生都水使者璲之字藏輝開元二十七

年改封文宣公璲之生泗水令萱萱生青州司兵參軍

齊卿齊卿生兗州參軍惟晔一作惟防惟晔生明經策一作榮

自萱以下皆襲文宣公策生刑部員外郎振字國文振

生祕書郎曲阜令昭儉昭儉生後唐泗水令光嗣自振

以下無封爵光嗣生御史贈尚書仁玉長興三年仍封

文宣公仁玉生殿中丞宣字不疑宋太平興國三年襲

宣生曲阜令延世字茂先至道三年襲延世生仙源令

聖佑後改名佑天禧五年襲佑卒以叔延澤子仙源令

宗原襲至和二年改封衍聖公宗原生若蒙字子蒙熙

甯元年坐事廢以弟若虛襲元祐六年改封奉聖公若

虛卒仍以若蒙子柳州刺史端友襲崇甯元年復封衍

聖公歷朝因之端友卒弟端操襲端操生榮祿大夫璠

璠卒弟玠紹興元年襲玠生拯字宏濟拯卒弟總襲總

生曲阜令元措金明昌二年襲元措生郡侯之厚字萬

春宋寶慶二年襲之厚生通議大夫浣浣生元教論中

議大夫思晦字明道思晦生國子祭酒通奉大夫克堅

字璟夫克堅生資善大夫希學字士行明洪武元年襲

文獻通考

文廟通考 卷一  
三  
希學生資善大夫訥字言伯十七年襲訥生公鑑字昭  
文建文二年襲公鑑生彥縉字朝紳永樂八年襲彥縉  
生承慶先卒景泰六年承慶子宏緒襲宏緒字以敬成  
化五年坐事廢弟宏泰襲宏泰字以和宏治十六年仍  
以宏緒子聞韶襲聞韶字知德生貞幹字用濟嘉靖二  
十五年襲貞幹生尚賢字象之三十五年襲尚賢生允  
椿先卒天啟元年從弟子允植襲四年進太子太保崇  
禎元年加太子太傅  
本朝順治元年仍以允植襲允植字對寰至聖六十五  
代孫也

亞聖孟子名軻字子車一作子輿鄒人魯公族孟孫之後也  
父激周烈王四年四月二日寅時孟子生三歲父卒母  
仇氏育之有三遷斷機勸學事稍長受業子思之門人  
道旣通應魏聘時魏徙大梁改國曰梁見惠王不用所  
言以爲迂遠而濶於事情明年惠王薨襄王立遂去梁  
適齊宣王不能用當是之時秦用商鞅楚魏用吳起齊  
用孫子田忌天下方務於合從連衡以攻伐爲賢而處  
士楊朱墨翟之言盈天下孟子乃述唐虞二代之德推  
明孔子之道以正人心息邪說爲己任是以所如者不  
合退而與萬章之徒序詩書述仲尼之意作孟子七篇

此二十餘年大抵里居日多二十六年十一月十五日  
 午時卒年八十有四卒之日為冬至鄒人廢賀冬之禮  
 遂以成俗宋元豐六年追封鄒國公詔立孟子廟元祐  
 三年封父為邾國公母為宣獻夫人以孟子配享孔廟  
 元改亞聖公明去公爵稱亞聖孟子本朝加孟母封號  
 為端範宣獻夫人於曲阜鄒縣皆立孟子專祠

孟氏世系

亞聖子仲子

周顯王三十年壬午生時孟子三十四歲

仲子子罈

赧王八年甲寅生時

孟子六歲罈子寓

赧王四十四年己丑生卒後七十年矣

寓子舒

秦始皇十六歲

丁卯生為漢雲中太守

舒子之後

漢高祖三年丁酉生

之後子昭

文帝十四年乙亥生

為博

昭子但

武帝元光元年丁未生為太子門大夫

但子卿

天漢元年辛巳生以禮授

后倉及大小戴

卿子喜

宣帝本始二年己酉生元帝時舉孝廉

喜子鎡

元帝

建昭三年

鎡子冀

哀帝元壽二年庚申生光武時為尚書

冀子嘗

光武建武十

乙酉生

嘗子展

明帝永平十七年甲戌生為江州牧

展子馘

安

浦太守有還珠事

馘子敏

順帝陽嘉元年壬申生以敏破甑不顧為郭泰所賞

敏

代劉寬為太尉

子光

桓帝延熹二年己亥生仕蜀至大司馬

光子康

獻帝初平二年辛未生仕魏封廣陵亭侯

康子宗

建安二十二年戊戌生仕吳

宗子楫

吳孫亮建

申生仕晉為

楫子觀

晉武帝咸甯元年乙未生為黃門侍郎

觀子嘉

愍帝

廬陵太守

參軍有龍山落帽事

嘉子懷玉

穆帝永和十五年己未生為下邳太守

玉子表

安帝義熙二年丙午生仕齊為太守

表子斌

宋文帝元嘉十四年丁丑生

文獻通考

卷一 孟子

五

威明帝泰始三年丁未威子信梁武帝天監三年甲信

子業北齊為大丙辰生仕業子景陳武帝永定景子善隋文帝開皇九年己

誼西生為河內太守善誼子誼唐高祖武德七年甲

誼子大融高宗永懷三大融子浩然永隆元年庚辰生

浩然子雲卿中宗神龍元年乙雲卿子華明皇開元十

臣幕官華子常謙天寶十二載癸巳常謙子尊慶代宗

十二年尊慶子瑄德宗貞元十六年庚瑄子方立武宗

丁巳生方立子承誨懿宗咸通十四年癸承誨子

為澤州戍將方立子承誨已生仕梁為太府卿承誨子

漢昭宗天復元年辛酉漢子貫後唐莊宗同光貫子昶

後周太祖顯德昶子齊宋太祖雍熙齊子甯真宗大中

元甲寅生昶子齊宋太祖雍熙齊子甯真宗大中

巳酉生甯子堅仁宗至和二年乙堅子寬哲宗元符

祀祖廟寬子欽高宗紹興十年欽子津孝宗淳熙十年津子德義

生寬子欽高宗紹興十年欽子津孝宗淳熙十年津子德義

理宗紹定二年己德義子允祖寶祐六年戊午生允祖

丑生為魚臺縣令德義子允祖寶祐六年戊午生允祖

子惟恭元世祖至元二年惟恭子之訓武宗至大二年之訓

子思諒順宗後至元二年丙子生明思諒子克仁以下

皆缺明英宗天順三年克仁子希文代宗景泰三年授

贈翰林院五經博士克仁子希文代宗景泰三年授

襲希文子元孝宗宏治二年襲世宗嘉靖二年元子公

嘉靖十二年公肇公肇子彥璞穆宗隆慶彥璞子承

卒仍以公肇襲公肇子彥璞穆宗隆慶彥璞子承

光神宗萬曆承光子宏譽熹宗天啟宏譽子聞玉莊烈

年襲聞玉子貞仁本朝順治貞仁子尚桂康熙二十年尚

文獻通考

卷一 孟子

七

桂子衍泰

五十九年襲

衍泰子毓瀚

乾隆三十年襲

自亞聖至此

凡六十六世

大成殿十二哲

閔子名損字子騫魯人少孔子十五歲事後母以孝稱  
 初見夫子有菜色後有芻豢之色子貢問曰子始有菜  
 色今有芻豢之色何也曰吾出蒹葭之中入夫子之門  
 夫子內切磋以孝弟外為之陳王法心竊樂之出見羽  
 蓋龍旂旃裘相隨心又樂之二者相攻胸中而不能任  
 是以有菜色今被夫子之教寢深又賴二三子切磋而  
 進之內明於去就之義出見羽蓋龍旂旃裘相隨視之  
 如壇土矣是以有芻豢之色也不仕大夫不食污君之  
 祿夫子嘗以君子稱之唐開元二十七年贈費侯宋大



中祥符二年追封瑯邪公咸淳三年加封費公明嘉靖九年去公爵稱先賢閔子

以下封爵去爵年號準此

冉子名雍字仲弓魯人伯牛之族少孔子二十九歲父賤行惡而不能掩其德孔子稱其可使南面又曰雍也仁而不佞唐贈薛侯宋封薛公明去公爵稱先賢冉子端木子名賜字子貢衛人少孔子三十一歲齊景公嘗問曰子誰師對曰魯仲尼曰仲尼賢乎對曰聖人也曰其聖何如對曰不知也景公勃然作色曰始言聖人今言不知何也對曰臣終身戴天不知天之高也終身履地不知地之厚也若臣之事仲尼譬猶渴操壺杓就江海而飲之滿腹而去又安知江海之深乎公曰子之譽得毋太甚乎對曰臣尚慮不及耳臣譽仲尼譬猶兩手奉土而附泰山其無益亦明矣使臣不譽仲尼譬如兩手把泰山無損亦明矣公曰善子貢有口才喜揚人之美不能匿人之過臧孫行猛政子貢曰夫政猶張琴瑟也大絃急則小絃絕矣獨不聞子產之相鄭乎推賢舉能抑惡揚善有大略者不聞其短有厚德者不非小疵家給人足囹圄空虛子產卒國人皆叩心流涕三月不聞箏笙之音今吾子病而人賀子愈而人相懼曰嗟乎何命之不善乎子又不死臧孫慚而避位終日不出齊

東郭亥欲攻田氏執贄見孔子而訪焉子曰子爲義也  
吾不足與計事揖子貢使答之子貢謂曰今子士也位  
卑而圖大卑則人不附也圖大則人憚之殆非子之任  
也盍姑已乎夫以一縷之任繫千鈞之重上懸之於無  
極之高下垂之於不測之深馬方駭鼓而驚之繫方絕  
重而填之其危必矣東郭亥戰而跪曰吾已矣願子  
無言旣而孔子告子貢曰東郭亥欲爲義者也子亦告  
之以難易則可矣奚至懼之哉子貢結駟連騎束帛之  
幣以聘享諸侯所至國君無不與之分庭抗禮夫使孔  
子名布揚於天下者子貢先後之也卒終於齊唐贈黎

侯宋封黎公明去公爵稱先賢端木子

仲子名由字子路一字季路卞人少孔子九歲好勇力  
志抗直孔子嘗曰自吾有仲由惡言不入於耳初仕魯  
爲季氏宰後仕衛爲蒲邑大夫旣治蒲三年孔子過之  
入其境曰善哉由也恭敬以信矣入其邑曰善哉由也  
忠信以寬矣至其庭曰善哉由也明察以斷矣子貢御  
請問子曰入其境田疇盡易草萊甚辟溝洫深治此其  
恭敬以信故其民盡力也入其邑墉屋完固樹木甚茂  
此其忠信以寬故其民不偷也至其庭庭甚清閒諸下  
用命此其明察以斷故其民不擾也雖三稱其善庸盡

其美乎衛顏讐善事親子路義之後讐以非罪執於衛將死子路以金贖焉衛人許之既而二三子納金於子路以入衛或謂孔子曰受人之金以贖其私昵義乎子曰義而贖之貧取於友非義而何子路見於孔子曰貧重陟遠不擇地而弛家貧親老不擇祿而仕昔者由也事二親之時常食藜藿之食爲親負米百里之外親沒之後南遊於楚從車百乘積粟萬鍾累廩而坐列鼎而食雖欲食藜藿爲親負米不可復得也子曰由也事親可謂生事盡力死事盡思者也子路爲衛大夫孔悝宰孔悝之母伯姬召蒯瞶入乃劫孔悝以作亂子路在外聞之馳往曰太子無勇若燔臺半必舍孔叔蒯瞶懼下石乞孟鯀攻子路以戈擊之斷纓子路曰君子死冠不免遂結纓而卒唐贈衛侯宋追封河內公加封衛公明去公爵稱先賢仲子

○卜子名商字子夏衛人少孔子四十五歲習於詩能通其義作詩序以文學著名爲人性不宏好論精微時人無以尚之嘗返衛見讀史誌者云晉師伐秦三豕渡河子夏曰非也已亥耳問諸晉史果然於是以子夏爲聖人他日子曰吾死之後則商也日益賜也日損曾子曰何謂也子曰商也好與賢已者處賜也悅不若已者處

日與善人居如入芝蘭之室久而不聞其香卽與之化矣與不善人居如入鮑魚之肆久而不聞其臭亦與之化矣丹之所藏者赤漆之所藏者黑是以君子必慎其所與處者焉子夏嘗問書大義於孔子子曰帝典可以觀美禹謨禹貢可以觀事皋陶益稷可以觀政洪範可以觀度泰誓可以觀義五誥可以觀仁甫刑可以觀誠通斯七者則書之大義舉矣孔子作春秋以屬子夏子夏傳門人公羊高穀梁赤又傳禮而毛詩之學亦推本於子夏云唐贈衛侯宋加封魏公明去公爵稱先賢卜子

有子名若字子若魯人少孔子十三歲爲人強識好古道孔子沒門人思慕以有若之言似孔子至欲以所事孔子事之曾子不可乃已吳夫差伐魯次於泗上微虎欲宵攻吳舍屬徒七百人三踊於幕庭卒三百人有子與焉吳子聞之一夕三遷唐贈下伯宋追封平陰侯明去公爵稱先賢

本朝乾隆三年升配大成殿十一哲東序卜子夏之次爲十二哲稱先賢有子以上東配

○冉子名耕字伯牛魯人闕里廣志少孔子七歲危言正行嘗爲中都宰遭惡疾唐贈鄆侯宋封鄆公明去公爵稱先賢冉

子

○宰子名予字子我魯人有口才爲孔子使於楚楚昭王以安車象飾因子我以遺孔子焉子我曰夫子無以此爲也王曰何故對曰臣自信從夫子以來竊見其言不離道動不違人貴德尚義清素好儉仕而有祿不以爲積不合則去退無吝心妻不服綵妾不衣帛車器不彫馬不食粟道行則樂其志不行則樂其身此所以爲夫子也若夫觀目之靡麗窈窕之淫音夫子過之弗之視遇之弗之聽也故臣知夫子之無用此車也子我歸以告孔子子貢曰未盡夫子之美也夫子道高則配天深

則配海若子之言行事之實也子曰夫言貴實賜之華不若子之實也唐贈齊侯宋封齊公明去公爵稱先賢宰子

○冉子名求字子有魯人亦伯牛之族少孔子二十九歲有才藝爲季氏宰齊國書高無丕帥師伐魯及清冉求帥右師管周父御樊遲爲右師及齊師戰於郊獲甲首八十齊人不能師宵謀曰齊人遁冉有請從之三季孫弗許冉有用矛於齊師故能入其軍唐贈徐侯宋封徐公明去公爵稱先賢冉子

○言子名偃字子游吳人少孔子四十五歲有文學仕魯

爲武城宰以禮樂化民季康子問子游曰昔子產死鄭人丈夫舍瑛珮婦人舍珠璣巷哭三月竽笙不作夫子之死也未聞魯人之若是何也子游曰夫浸水之所及則生其所不及則死故民皆知焉膏雨之所生廣莫大焉民之受賜也普矣莫識其由來夫子之與子產也譬猶浸水與膏雨乎唐封吳侯明去公爵稱先賢言子

○顓孫子名師字子張陳人少孔子四十八歲爲人有容貌資質寬冲博接從容唐贈陳伯宋以曾子配享升子張爲十哲加封陳國公明去公爵稱先賢顓孫子

○朱子名熹字元晦一字仲晦徽州婺源人幼穎悟甫能

言父松指天示之曰天也熹問曰天之上何物松異之就傳授以孝經一閱題其上曰不若是非人也嘗從幼兒戲沙上獨端坐以指畫沙視之八卦也年十八貢於鄉中紹興十八年進士第主泉州同安簿職兼學事選邑秀充弟子員日與講說聖賢修己治人之道禁婦女之爲僧道者罷歸請祠監潭州南嶽廟明年以輔臣薦與徐度韓元吉同召以疾辭孝宗卽位詔求直言上封事言聖王之學不可以不熟講修攘之計不可以不早定本原之地不可以不加意帝王之學必先格物致知以極夫事物之變使義理所存纖悉畢照則自然意誠

心正而可以應天下之務次言修攘之計不時定者講和之說誤之也金人於我有不共戴天之仇不可以和願斷以義理之公閉關絕約任賢使能立綱紀勵風俗數年之後國富兵強視吾力之強弱觀彼釁之淺深徐起而圖之次言四海利病係斯民之休戚斯民休戚係守令之賢否監司者守令之綱朝廷者監司之本也欲斯民之得所本原之地亦在朝廷而已明年復召入對時湯思退方倡和議除武學博士待次乾道元年促就職既至而洪适爲相復主和論不合歸陳俊卿劉珙胡銓梁克家龔茂良先後薦力辭四年崇安大饑民奪食

幾槌變朱子乃假官粟六百石貸之人賴以濟其後歲一斂散貸者出息十二小歉弛半息甚則盡蠲之行之十有四年贏益多遂歸元粟於官而用所贏爲貸資每石止收耗米三升不復取息以故數十年邑無饑饉患所謂社倉者也淳熙五年除知南康軍再辭不許至郡興利除害講求荒政多所全活訖事奏乞依格推賞納粟人閒詣郡學引進士子與之講論訪白鹿洞書院遺址奏復其舊爲學規俾守之明年夏大旱詔監司郡守條具民間利病遂上疏言郡縣賦重由於供軍請覈兵籍廣屯田練民兵以省坐食之軍使郡縣事力稍紓然

後可禁其苛斂責以寬恤卒復極論近習竊柄援引交通之弊疏入上不悅乃乞罷黜又以人戶逃移自劾者再以疾請祠者五皆不報除提舉江西常平茶鹽公事旋錄其救荒之勞除直秘閣以前所奏納粟人未推賞辭會浙東大饑宰相王淮奏改提舉浙東常平茶鹽公事即日單車就道入對所奏凡七事上爲動容其一二事手書以防宣洩熹始拜命卽移書他郡募米商蠲其征及至則客舟之米已輻輳日鈎訪民隱按行境內單車屏徒從所至人不及知郡縣官吏憚其風采至自引去所部肅然凡丁錢和買役法權酷之政有不便於民者悉釐而革之於救荒之餘隨事處畫必爲經久之計有短朱子者謂其疏於爲政上謂王淮曰朱熹政事却有可觀是年下社倉法於諸路其法以十家爲甲甲推一人爲首五十家則推一人通曉者爲社首其逃軍及無行之士與有稅糧衣食不缺者竝不得入甲其應入甲者又問其願與不願願者問其一家大小口若干大口一石小口五斗五歲以下者不預置籍以貸之其以溼惡不實還者有罰朱子以前後奏請多所見抑幸而從者率稽緩後時蝗旱相仍發憤抗疏言之且移書政府曰朝廷愛民不如惜費明公憂國不如愛身然財散



猶可復聚民心一失不可復收身危猶可復安國勢一  
傾不可復振知台州唐仲友與王淮同里爲姻家朱子  
行部至台訟仲友者紛紛按得其實章三上淮匿不以  
聞益上章論前後六上淮不得已奪仲友江西新命以  
授朱子辭不拜遂歸且乞奉祠時鄭丙上疏詆程氏之  
學且以沮朱子淮又嗾陳賈論之由是道學之名貽禍  
朱子乃作五夷精舍奉祠不出者五年十四年周必大  
相除提點江西刑獄公事以疾辭不許遂行十五年淮  
罷遂入奏是行也有要之於路者以爲正心誠意之論  
上所厭聞戒勿以爲言朱子曰吾平生所學惟此四字

豈可隱默以欺吾君乎及奏上曰久不見卿浙東之事  
朕自知之今當處以清要不復以州縣爲煩也時曾覿  
已死王抃亦逐獨內侍甘昇尚在朱子力以爲言上曰  
昇乃德壽所薦爲其有才耳對曰小人無才安能動人  
主翌日除兵部郎官以足疾丐祠本部侍郎林栗嘗與  
朱子論易西銘不合劾熹本無學術徒竊張載程頤緒  
餘謂之道學所至輒攜門生數十人妄希孔孟歷聘之  
風邀索高價不肯供職其僞不可掩太常博士葉適上  
疏與栗辯謂其言無一實者胡晉臣除侍御史論林栗  
執拗不通喜同惡異無事而指學者爲黨乃黜栗知泉

文獻通考 卷一  
州熹再辭免除直寶文閣奉祠而去始熹嘗以爲口陳  
之說有所未盡乞具封事以聞至是投匭進封事幾至  
萬言大要言天下之大本與今日之急務大本者陛下  
之心急務則輔翼太子選任大臣振舉綱紀變化民俗  
愛養民力修明軍政六者是也疏入夜漏下七刻上已  
就寢亟起秉燭讀之終篇明日除主管太一宮兼崇政  
殿說書會執政有指道學爲邪氣者力辭新命除秘閣  
修撰奉外祠光宗卽位再辭職名居數月除江東轉運  
副使以疾辭改知漳州奏除屬縣無名之賦七百萬減  
經總制錢四百萬以習俗未知禮采古喪葬嫁娶之儀

揭以示之命父老解說以教子弟士俗崇信釋氏男女  
聚僧廬爲傳經女不嫁者爲菴舍以居悉禁之常病經  
界不行之害會朝論欲行泉江漳三州經界乃訪事宜  
擇人物及方量之法上之而土居豪右侵漁貧弱者以  
爲不便阻之宰相畱正泉人也其里黨亦多以爲不可  
行布衣吳禹圭上書訟其擾人詔且需後有旨先行漳  
州經界以子喪請祠四年使者自金還言金人問朱先  
生安在差知潭州力辭有旨長沙巨屏得卿爲重遂拜  
命會洞獠擾屬郡遣人諭以禍福降之申勅令嚴武備  
戢姦吏抑豪民所至興學校明教化四方學者畢至甯

宗卽位有旨赴行在奏事除煥章閣待制兼侍講辭不許入對每以所講編次成帙以進上亦開懷容納始甯宗之立韓侂胄自謂有定策功居中用事朱子憂其害政上疏斥言左右竊柄之失在講筵復申言之御批云憫卿耆艾恐難立講已除卿宮觀汝愚袖還御筆且諫且拜內侍王德謙徑以御筆付熹臺諫爭畱不可慶元元年也初趙汝愚旣相收四方知名之士中外引領望治朱子獨惕然以侂胄用事爲慮旣屢爲上言又數以手書啓汝愚當用厚賞其勞勿使得預朝政汝愚方謂其易制不以爲意及是汝愚亦逐而朝廷大權悉歸侂

胄矣二年沈繼祖爲監察御史誣以十罪落職罷祠門人蔡元定亦送道州編管六年卒年七十一疾且革手書屬其子在及門人范念得黃幹拳拳以勉學及修正遺書爲言翌日正坐整衣冠就枕而逝朱子登第五十年仕於外者僅九考立朝纔四十日家故貧少依父友劉子羽寓建之崇安後徙建陽之考亭簞瓢屢空晏如也諸生之自遠而至者豆飯藜羹率與之共往往稱貸於人以給用而非其道義則一介不取也自朱子去國侂胄勢益張劉德秀仕長沙不爲張栻之徒所禮及爲諫官首論畱正引僞學之罪僞學之稱蓋自此始太常

少卿胡紘言比年僞學猖獗圖爲不軌望宣諭大臣權住進擬遂召陳賈爲兵部侍郎未幾朱子有奪職之命劉三傑論前日之僞黨至此又變而爲逆黨右諫議大夫姚愈論道學權臣結爲死黨窺伺神器乃命直學士院高文虎草詔諭天下於是攻僞學日急選人余嘉至上書乞斬熹方是時士之繩趨尺步稍以儒名者無所容其身從遊之士特立不顧者屏伏邱壑依阿吳懦者更名他師過門不入甚至變易衣冠狎遊市肆以自別其非黨而朱子曰與諸生講學不休或勸其謝遣生徒者笑而不答後侂胄死詔賜遺表恩澤諡曰文理宗寶

慶二年贈太師追封信國公改徽國始熹少時慨然有求道之志旣博求之經傳復徧交當世有識之士延平李侗老矣嘗學於羅從彥熹歸自同安不遠數百里徒步往從之其爲學大抵窮理以致其知反躬以踐其實而以居敬爲主嘗謂聖賢道統之傳散在方冊聖經之旨不明而道統之傳始晦於是竭其精力以研窮聖賢之經訓淳祐元年正月上視學手詔以周張二程及熹從祀孔子廟明崇禎十五年稱先賢位七十子下本朝康熙五十一年升配大成殿東序卜子商之次爲十一哲稱先賢朱子而不名乾隆三年又以有若升配

爲十一哲移朱子於西序顓孫子師之次

文廟通考卷二

兩廡先賢一東合七十九位

○ 蘧瑗字伯玉衛人仕衛爲大夫獻公十八年孫林父甯殖謀逐其君伯玉曰君制其國誰敢奸之雖奸之庸知愈乎遂行從近關出林父遂攻出獻公立殤公殤公十二年獻公在夷儀使公子鮮告甯喜欲復國曰苟反政由甯氏祭則寡人甯喜告蘧伯玉伯玉曰瑗不得聞君之出敢聞其入又從近關出靈公嘗與夫人夜坐聞車聲麟麟至闕而止過闕復有聲公問夫人曰知爲誰夫人曰此蘧伯玉也公曰何以知之夫人曰妾聞禮下公

門式路馬所以廣敬也夫忠臣與孝子不為昭昭信節  
不為冥冥墮行蘧伯玉衛之賢大夫也仁而有智敬而  
事上此其人必不以闇昧廢禮是以知之公使人問之  
果蘧伯玉伯玉行年五十而知四十九年之非六十而  
化孔子嚴事之交也宋封內黃伯從祀孔子廟明祀於  
其鄉

本朝雍正二年復祀稱先賢

○公孫僑鄭卿公子發子也其事備載於左傳孔子以魯  
襄公二十二年生而襄公八年子產已見於傳家語載  
孔子云子產於民為惠主於學為博物故吾兄事之而

加愛敬其卒也仲尼聞之出涕曰古之遺愛也

○國朝咸豐六年從祀位西廡林放之上

○澹臺滅明字子羽武城人少孔子三十九歲狀貌甚惡  
既受業孔子退而修行南遊至江從弟子三百人設取  
子去就名施乎諸侯孔子聞之曰吾以言取人失之宰  
予以貌取人失之子羽嘗齎千金璧渡河陽侯波起兩  
蛟夾舟子羽曰吾可以義求不可以威劫操劍斬蛟毀  
璧而渡唐贈江伯宋封金鄉侯明稱先賢

去

林放字子邱魯人或曰孔子門人泰安府東南百八里唐

開元二十七年贈清河伯宋大中祥符二年封長山侯  
從祀孔子廟明嘉靖九年罷祀祀於其鄉後唐宋明封爵去爵年號

此皆準

本朝雍正二年復祀稱先賢

○原憲字子思宋人一作魯人少孔子三十六歲清靜守節貧

而樂道孔子為魯司寇憲為之宰孔子卒隱居於衛子貢相衛結駟連騎排藜藿入窮閭過謝原憲憲攝敝衣冠見子貢子貢曰夫子豈病乎憲曰吾聞之無財者謂之貧學道而不能行者謂之病若憲貧也非病也子貢慚去終身恥其言之過也唐贈原伯宋封任城侯明稱

先賢

宓不齊宓即伏字一作慮字子賤魯人少孔子四十九歲一作三十

仕為單父宰才智仁愛百姓不忍欺孔子謂之曰子何施而得之也對曰不齊父其父子其子恤諸孤而哀喪紀子曰善小節也猶未足也曰不齊所父事者二人兄事者五人友事者十一人子曰可以教孝教弟教學矣中節也猶未足也曰此地有賢於不齊者五人不齊事之而稟度焉皆教不齊所以治人之道子乃歎曰其大者乃在此矣昔堯舜聽天下務求賢以自輔夫賢者百神之宗也神明之主也惜乎不齊之所治者小也所

治者大則庶幾矣齊人攻魯道由單父單父之老請曰  
 麥已熟矣今齊寇至不及人人自收其麥請放民出皆  
 穫傅郭可以益糧且不資於寇三請而子賤不聽俄而  
 齊寇逮於麥季孫聞之使人讓子賤曰民寒耕熱耘會  
 不得食豈不哀哉不知猶可以告者三而子不聽非所  
 以為民也子賤曰今茲無麥明年可耕若使不耕者穫  
 是使民樂有寇也且得單父一歲之麥於魯不加強喪  
 之不加弱若使民有自取之心其創必數世不息季孫  
 聞之赧然而愧曰地若可入吾豈忍見宓子哉唐贈單  
 伯宋封單父侯明稱先賢

○南宮适家語作縮史記作括字子容一稱南容又稱南宮敬叔魯

人孟僖子之子仲孫閱也蓋居南宮因氏焉以父命學  
 於孔子三復白圭孔子以其兄之子妻之唐贈郟伯宋  
 封汝陽侯明稱先賢

○公冶長一云名萇一云名芝字子長一作子芝齊人一作魯人孔子以

其子妻之唐贈莒伯宋封高密侯明稱先賢

○商瞿字子木魯人少孔子二十九歲受易於孔子傳楚  
 人駐臂子弓累傳至漢儒皆本之瞿唐贈蒙伯宋封須

昌侯明稱先賢

○公皙哀一云名克字季次一作季沈齊人一作魯人孔子曰天下無行



多為家臣仕於都惟季次未嘗仕唐贈郟伯曲阜碑宋  
封北海侯明稱先賢

○漆雕開字子開一作蔡人魯人少孔子十一歲習尚書  
不樂仕唐贈滕伯宋封平輿侯明稱先賢

○高柴字子羔一作齊大夫高氏之族衛人少孔子三十  
歲長不過六尺狀貌甚惡然篤孝而有法為成宰成人

化之又為衛士師別人之足頃而衛有蒯瞶之亂子羔  
走郭門別者守門焉謂子羔曰彼有缺子羔曰君子不  
踰又曰彼有竇子羔曰君子不隧又曰於此有室子羔  
入追者罷子羔將去謂別者曰吾不能虧王之法而親

別子之足今吾在難正子報怨之時而逃我者三何哉  
別者曰斷足固我之罪無可奈何昔公之治臣也傾側  
法令先人後臣以法欲臣之免於法也臣知之獄決罪  
定臨當論刑君愀然不悅見於顏色臣又知之君豈私  
臣哉天生君子其道固然此臣之所以脫君也孔子聞  
之曰善哉為吏其用法一也思仁恕則樹德加嚴暴則  
樹怨公以行之其子羔乎唐贈其伯宋封其城侯明稱  
先賢

○司馬耕一云名蔡耕字子牛一云子牢宋人多言而躁其兄向魋  
作亂奔衛乃置其邑與珪而適齊魋自衛入齊陳文子

使為次卿又致其邑而適吳吳人惡之乃反趙簡子召之陳成子亦召之卒於魯郭門之外阬氏葬諸邱輿唐贈向伯宋封睢陽侯明稱先賢

○樊須字子遲魯人一作齊人少孔子三十六歲一作四十六歲仕於

季氏清之役冉求使須為御季孫曰須也弱冉求曰就用命焉及戰師不踰溝須曰非不能也不信子也請三刻而踰之如之遂敗齊師唐贈樊伯一作凡伯宋封益都侯

明稱先賢

○梁鱣一云名鯉一云名仲字叔魚齊人少孔子二十九歲唐贈梁

伯一作趙伯宋封千乘侯明稱先賢

○商澤字子季一作子秀魯人唐贈睢陽伯宋封鄒平侯明稱

先賢

○冉孺一云名儒字子魯魯人少孔子五十歲唐贈郛伯一作紀伯

宋封臨沂侯明稱先賢

○巫馬施一云名期字子旗一作子期陳人一作魯人少孔子三十歲為

單父宰子賤之治單父也彈琴身不下堂單父理子期以星出以星入而單父亦理因問其故於子賤子賤曰我任人子任力任力者勞任人者逸期曰是施之未至也唐贈郛伯宋封東阿侯明稱先賢

○伯虔一作伯處字子析魯人少孔子五十歲唐贈鄒伯一作聊侯

駢伯一作宋封沐陽侯明稱先賢

○顏辛一作云名幸或作柳或作韋字子柳魯人少孔子四十六歲唐贈

蕭伯一作蕃伯宋封穀陽侯明稱先賢

○冉季字子產一作子達魯人唐贈東平伯宋封都城侯明稱

先賢

○曹卹字子循蔡人少孔子五十歲唐贈豐伯一作曹伯一作魯伯

宋封上蔡侯明稱先賢

○漆雕徒父一名從字子有魯人唐贈須句伯宋封高苑侯

明稱先賢

○公孫龍一名龍字子石衛人一作楚人少孔子五十二歲子貢

問子石曰子不學詩乎子石曰吾暇乎哉父母求吾孝

兄弟求吾悌朋友求吾信吾暇乎哉子貢曰請吾師以

學於子周有兩公孫龍一趙人論堅白異同者非子石也唐贈黃公宋封枝江

侯明稱先賢

○漆雕哆一名侈字子斂一作子敏魯人唐贈武城伯宋封濮陽

侯明稱先賢

○秦商字子丕一作丕魯人一作楚人少孔子四十歲一作四歲其父

董父與孔子父叔梁俱以力聞唐贈上洛伯宋封馮翊

侯明稱先賢

○公西赤字子華魯人少孔子四十二歲唐贈邵伯宋封

鉅野侯明稱先賢

○顏高云名刻云名產字子驕魯人少孔子五十歲有力善射

能挽六鈞之弓孔子在衛南子招為次乘高為之御又

孔子過匡顏刻為僕刻即高也唐贈瑯琊伯宋封雷澤

侯明稱先賢

○任不齊字選子選楚人唐贈任城伯宋封當陽侯明稱

先賢

○壤駟赤壤一作壤字子徒一作子從秦人唐贈北徵伯一作化徵伯一作北

伯宋封上邽侯明稱先賢

○公梁孺名儒字子正陳人賢而有勇孔子去陳適衛過

蒲會公叔氏以蒲畔止孔子時子正以私車五乘從謂

曰吾昔從夫子遇難於匡今又遇難於此命也已吾與

夫子再罹難甯鬪而死鬪甚疾蒲人懼乃要盟毋適衛

而出孔子唐贈東牟伯宋封牟平侯明稱先賢

○石作蜀一作石之蜀字子明秦之成紀人唐贈郿邑伯

宋封成紀侯明稱先賢

○公肩定一作公肩一作公堅字子中魯人唐贈新田伯宋

追梁父侯明稱先賢

○公夏首名首字乘一作子乘魯人唐贈亢父伯宋封鉅平侯

明稱先賢

○鄒單音鳥善鉅鹿有鄒縣一作字子家史記有魯人唐

贈銅鞮伯宋封聊城侯明稱先賢

○后處一作石處字子理一作理之齊人唐贈營邱伯宋封膠東侯

明稱先賢

○罕父黑一作宰父黑字子索一作子黑魯人唐贈乘邱伯宋

封杞鄉侯明稱先賢

○奚容蒧蒧即點字字子皙一作子楷魯人一作衛人唐贈下

邳伯宋封濟陽侯明稱先賢

○榮旂一作名祈字子祺一作顏魯人唐贈雩婁伯宋封厭次侯

明稱先賢

○顏祖一作名相字襄一作子襄魯人唐贈臨沂侯宋封富陽侯明

稱先賢

○左人郢一作左郢字行一作子行魯人路史云左人氏黃唐

贈臨淄伯宋封南華侯明稱先賢

○句并疆句音鉤字子孟一作子疆衛人唐贈洪陽伯宋封滏陽

侯明稱先賢

○鄭國家語作薛邦或云鄭國薛邦實兩人史記正義云字子徒一作子從魯人唐贈滎陽伯宋封胸山侯明稱先賢

○秦祖字子南秦人唐贈少梁伯宋封鄆都侯明稱先賢

○原亢字籍史記作原亢籍名亢字籍也家語作原桃字

籍古本家語作原抗宋史禮志作原抗

魯人唐贈萊蕪伯宋封樂平侯明稱先賢

○ 縣成字子祺一作子橫魯人唐贈鉅野侯宋封武城侯

明稱先賢

○ 廉潔一作子庸字庸一作子曹衛人唐贈莒父伯宋封胙城

侯明稱先賢

○ 公祖句茲一作公祖茲字子之魯人唐贈期思伯宋封卽墨

侯明稱先賢

○ 叔仲會一作晉人字子期魯人一作晉人少孔子五十四歲一云五十五

與孔氏族名璇者年相比二孺子俱執筆迭侍於夫

子孟武伯見孔子而問曰此二孺子之幼也於學豈能

盡識於壯者哉孔子曰然少成若天性習慣如自然也

唐贈瑕邱伯宋封博平侯明稱先賢

○ 燕伋一作子思字思一作子思秦人唐贈漁陽伯宋封沂源侯明

稱先賢

○ 公西輿一作名與字子上魯人唐贈重邱伯宋封臨朐侯

明稱先賢

○ 樂欬一作名欣字子聲魯人唐贈昌平伯宋封建成侯明稱

先賢

○ 邾莒一作邾邾字子斂一作子飲魯人唐贈平陸伯宋

封高堂侯明稱先賢

○狄黑一云名墨字皙一作皙之衛人唐贈臨濟伯宋封林慮侯明稱先賢

○陳亢一云名伉字子禽一作亢陳人少孔子四十歲或日子貢弟子家語

有史記無唐贈穎伯宋封南頓侯明稱先賢

○孔忠一云名弗字子蔑孔子兄孟皮子唐贈汶陽伯宋封鄆

城侯明稱先賢

○琴張一作琴牢字子開衛人史記無唐贈南陸伯宋封頓邱侯

改封陽平侯明稱先賢

○公西葢字子上一作子尚魯人唐贈祝阿伯宋封徐城侯明

稱先賢

步叔乘一作叔少字子車齊人唐贈涪于伯宋封博昌侯

明稱先賢

○顏之僕一作顏僕字叔一作叔魯人唐贈東武伯宋封宛句侯

明稱先賢

○秦非字子之魯人唐贈汧陽伯宋封華陽侯明稱先賢

○施之常字子恆一作子常魯人唐贈乘氏伯宋封臨濮侯明

稱先賢

○顏噲字子聲魯人唐贈朱虛伯宋封濟陰侯明稱先賢

○申棖史記作申黨字周家語作申績字子周或魯人唐

贈申黨召陵伯申棖魯伯宋封申黨淄川侯申棖文登

文通考 卷二 七

侯明去申黨祀申棖稱先賢

漢鄭康成唐陸德明宋王應麟明夏洪基皆以為一人

本朝朱熹尊又以為兩人者是

○顏何字冉

一作魯人史記有今本家語無

唐贈開陽

伯宋封堂邑侯明罷祀

本朝雍正二年復祀稱先賢

○左邱明魯人為魯太史楚左史倚相之後也

論語之左邱明何晏

云魯太史邢昺云受春秋經於仲尼者也朱子云古之問人則以受春秋者為二人或曰一姓左邱名明一姓左名邱明則鑿說也孔子既因魯史記作春秋明懼失其真為內

傳為外傳國語二十一篇以授曾申遞傳至劉歆時始

顯唐貞觀二十一年配享孔子廟永徽中降從祀宋封

中都伯明改先儒崇禎稱十五年稱先賢位七十子下

○縣亶

一作縣豐一作縣亶父

字子象魯人

史記無或云即鄒單

本朝雍正二年增祀稱先賢

○秦冉字開

一作子開史記有家語無

蔡人唐贈彭衙伯宋封新息侯

明罷祀

本朝雍正二年復祀稱先賢

○公明儀魯之武城人考其事實如子張有父之喪公明

儀相焉問啟類於孔子載於家語又禮記檀弓篇子張

之喪公明儀為志焉褚幕丹質蟻結於四隅殷士也鄭

康成注學於孔子倣殷禮孔穎達疏公明儀子張弟子



亦為曾子弟子他如公明儀問孝於曾子一見於祭義再見於大戴禮又如師文王信周公孟子嘗引之朱子集注公明儀魯賢人又稱為篤信好學見於語類是其人生於周學於魯蚤登孔氏之門已在弟子之列而又受教於子張曾子屢見稱述於孔子淵源固可考也國朝咸豐三年從祀位東廡縣置之次

○牧皮

名見孟子家語史記皆無

本朝雍正二年增祀稱先賢

○樂正克孟子弟子為魯臣宋政和五年封利國侯配享鄒縣孟子廟

本朝雍正二年從祀孔子廟稱先賢仍配享曲阜及鄒縣孟廟

○公都子孟子弟子宋政和五年封平陽伯從祀鄒縣孟子廟

本朝雍正二年從祀孔子廟稱先賢

○萬章孟子弟子宋政和五年封博興伯從祀孟子廟

本朝雍正二年從祀孔廟稱先賢升配孟廟

○公孫丑孟子弟子宋政和五年封壽光伯從祀孟子廟本朝雍正二年從祀孔廟稱先賢

○周敦頤字茂叔道州營道人元名敦實避英宗舊諱改

文獻通考 卷二  
焉以舅龍圖閣學士鄭向任爲分甯主簿有獄久不決  
敦頤至一訊立辨邑人驚曰老吏不如也部使者薦之  
調南安軍司理參軍有囚法不當死轉運使王逵欲深  
治之逵酷悍吏也眾莫敢爭敦頤獨與之辨不聽乃委  
手版歸將辭官去曰如此尚可仕乎殺人以媚人吾不  
爲也逵悟囚得免移郴之桂陽令治績尤著郡守李初  
平賢之語之曰吾欲讀書何如敦頤曰公老無及矣請  
爲公言之二年果有得徒知南昌部使者趙抃惑於譖  
口臨之甚威敦頤處之超然通判虔州抃守虔熟視其  
所爲乃大悟執其手曰吾幾失君矣今而後乃知周茂

叔也熙甯初爲廣東轉運判官提點刑獄以洗冤澤物  
爲己任行部不憚勞苦雖瘴癘險遠亦緩視徐按以疾  
求知南康軍因家廬山蓮花峯下前有溪合於湓江取  
營道所居濂溪以名之并再鎮蜀將奏用之未及而卒  
年五十七黃庭堅稱其人品甚高胸懷灑落如光風霽  
月著太極圖又著通書四十篇掾南安時程珦通判軍  
事視其人氣貌非常人與語知其爲學知道出與爲友  
使二子顥頤往受業焉敦頤每令尋孔顏樂處所樂何  
事二程之學源流乎此矣故顥之言曰自再見周茂叔  
後吟風弄月以歸有吾與點也之意俟師聖學於程頤

未悟訪敦頤敦頤曰吾老矣說不可不詳畱對榻夜談  
越三日乃還頤驚異之曰非從周茂叔來耶其善開發  
人類此嘉定十三年賜諡曰元公淳祐元年封汝南伯  
從祀廟庭明嘉靖九年改稱先儒崇禎十五年稱先賢  
位七十子下

程顥字伯淳世居山中後從開封徙河南舉進士調鄆  
上元主簿鄆民有借兄宅居者發地得瘞錢兄之子訴  
曰父所藏顥問幾何年曰四十年彼借居幾時曰二十  
年矣遣吏取十千視之謂其人曰今官所鑄錢不五六  
年卽徧天下此皆未藏前數十年所鑄何也其人不能

答爲晉城令富民張氏父死旦有老叟踵門曰我汝父  
也子驚疑莫測相與詣縣叟曰身爲醫遠出治疾而妻  
生子貧不能養以與張顥質其驗取懷中一書進其所  
記曰某年月日抱兒與張三翁家顥問張是時纔四十  
安得有翁稱叟駭謝民稅粟多移近邊載往則道遠就  
糴則價高顥擇富而可任者預使貯粟以待費大省民  
以事至縣者必告以孝弟忠信人所以事其父兄出所  
以事其長上度鄉村遠近爲伍保使之力役相助患難  
相卹而姦僞無所容凡孤癯殘廢者責之親戚鄉黨使  
無失所行旅出於其途者疾病皆有所養鄉必有校暇

時親至召父老與之語兒童所讀書親爲正句讀教者不善則爲易置擇子弟之秀者聚而教之鄉民爲社會爲立科條旌別善惡使有勸有恥在縣三歲民愛之如父母熙甯初用呂公著薦爲太子中允監察御史裏行神宗素知其名數召見每退必曰頻求對欲常常見卿一日從容咨訪報正午始趨出庭中人曰御史不知上未食乎前後進說甚多大要以正心窒慾求賢育材爲言務以誠意感悟主上嘗勸帝防未萌之欲及勿輕天下士帝俯躬曰當爲卿戒之王安石執政議更法令中外皆不以爲便言者攻之甚力顥被旨赴中堂議事安

石方怒言者厲色待之顥徐曰天下事非一家私議願平氣以聽安石爲之愧屈僉書鎮甯軍判官程昉治河取澶卒八百而虐用之眾逃歸羣僚畏昉欲勿納顥曰彼逃死自歸弗納必亂若昉怒吾自任之卽親往啟門拊勞約少休三日復役眾驩踊而入具以事上得不遣昉後過州揚言曰澶卒之潰蓋程中允誘之吾且訴於上顥聞之曰彼方憚我何能爲果不敢言曹村河決顥謂郡守劉渙曰曹村決京師可虞臣子之分身可塞亦所當爲盍盡遣廂卒見付渙以鎮印付顥立走決所激諭士卒議者以爲勢不可塞徒勞人爾顥命善泅者度

決口引巨索濟眾兩岸並進數日而合命知扶溝縣廣濟蔡河在縣境瀕河惡子無生理顓魯取行舟財貨歲必焚舟十數以立威顓捕得一人使引其類貫宿惡分地處之令以挽緯爲業且察爲奸者自是境無焚剽患內侍王中正按閱保甲權燄章震諸邑競侈供帳悅之主吏來請顓曰吾邑貧安能效他邑取於民法所禁也獨有令故青帳可用爾哲宗立召爲宗正丞未行而卒年五十四顓資性過人充養有道和粹之氣益於面背門人交友從之數十年亦未嘗見其忿厲之容遇事優爲雖當倉卒不動聲色自十五六時與弟頤聞汝南周

敦頤論學遂厭科舉之習慨然有求道之志泛濫於諸家出入於老釋者幾十年反求諸六經而後得之秦漢以來未有臻斯理者顓之死士大夫識與不識莫不哀傷焉文彥博采眾論題其墓曰明道先生嘉定十三年賜諡曰純公淳祐元年從祀廟庭封豫國公明嘉靖九年改稱先儒崇禎十五年稱先賢位七十子下

邵雍字堯夫其先范陽人父古徙衡漳又徙其城雍年三十遊河南葬其親伊水上遂爲河南人雍少時自雄其才慷慨欲樹功名於書無所不讀始爲學卽堅苦刻厲寒不爐暑不扇夜不就席者數年北海李之才攝其

城令聞雍好學嘗造其廬謂曰子亦聞物理性命之學乎雍對曰幸受教乃事之才受河圖洛書宓義八卦六十四卦圖像之才之傳遠有端緒而雍探蹟索隱妙悟神契洞徹蘊奧汪洋浩博多其所自得者及其學益老德益邵玩心高明著書十餘萬言行於世然世之知其道者鮮矣初至洛蓬華環堵不芘風雨躬樵爨以事父母雖平居屢空而怡然有所甚樂人莫能窺也及執親喪哀毀盡禮富弼司馬光呂公著諸賢退居洛中雅敬雍恒相從游爲市園宅雍歲時耕稼僅給衣食名其居曰安樂窩因自號安樂先生出則小車一人挽之惟意所適士大夫家識其車音爭相迎候童孺厮隸皆喜相謂曰吾家先生至也不復稱其姓字或畱信宿乃去好事者別作屋如雍所居以候其至名曰行窩人無貴賤少長一接以誠故賢者悅其德不賢者服其化熙甯行新法吏牽迫不可爲或投劾去雍門生故友居州縣者皆貽書訪雍雍曰此賢者所當盡力之時新法固嚴能寬一分則民受一分賜矣投劾何益耶熙甯十年卒年七十六元祐中賜諡康節雍高明英邁迥出千古而坦夷渾厚不見圭卬是以清而不激和而不流人與交久益尊信之河南程顥初侍其父識雍論議終日退而歎

日堯夫內聖外王之學也雍知慮絕人遇事前知程頤嘗曰其心虛明自能知之所著書皇極經世觀物內外篇漁樵問對詩曰伊川擊壤集端平二年從祀廟庭咸淳三年封新安伯明嘉靖九年改稱先儒崇禎十五年改稱先賢位七十子下

○張載字子厚長安人少喜談兵至欲結客取洮西之地年二十一以書謁范仲淹一見知其遠器乃警之曰儒者自有名教可樂何事於兵因勸讀中庸載讀其書猶以爲未足又訪諸釋老累年究極其說知無所得反而求之六經嘗坐虎皮講易京師聽從者甚眾一夕二程

至與論易次日語人曰比見二程深明易道吾所弗及汝輩可師之撤坐輟講與二程語道之要渙然自信曰吾道自足何事旁求於是盡棄異學淳如也舉進士爲邠州司法參軍遷雲巖令政事以敦本善俗爲先每月吉具酒食召鄉人高年會縣庭親爲勸酬使人知養老事長之義因問民間疾苦及告所以訓戒子弟之意熙甯初爲崇文院校書移疾屏居南山下終日危坐一室左右簡編俯而讀仰而思有得則識之或中夜起坐取燭以書其志道精思未始須臾息亦未嘗須臾忘也敝衣蔬食與諸生講學每告以知禮成性變化氣質之道

學必如聖人而後已以爲知人而不知天求爲賢人而不求爲聖人此秦漢以來學者大弊也故其學尊禮貴德樂天安命以易爲宗以中庸爲體以孔子爲法黜怪妄辨鬼神其家昏喪葬祭率用先王之意而傳以今禮又論定井田宅里發斂學校之法皆欲條理成書使可舉而措諸事業呂大防薦之詔知大常禮院與有司議禮不合復以疾歸中道疾甚沐浴更衣而寢旦而卒貧無以斂門人共買棺奉其喪還載學古力行爲關中士人宗師世稱橫渠先生著書號正蒙又作西銘程頤嘗言西銘明理一而分殊擴前聖所未發與孟子性善養氣之論同功嘉定十三年賜諡曰明公淳熙元年封鄜伯從祀廟庭明嘉靖九年改稱先儒崇禎十五年稱先賢位七十子下

程頤字正叔顥弟年十八上書闕下欲天子黜世俗之論以王道爲心游太學見胡瑗問諸生以顏子所好何學瑗得其文大驚異之卽延見處以學職呂希哲首以師禮事頤治平元豐間大臣屢薦皆不起哲宗初司馬光呂公著共疏其行義擢崇政殿說書卽上疏言習與智長化與心成今夫人民善教其子弟者亦必延名德之士使與之處以薰陶成性况陛下春秋之富雖睿聖



得於天資而輔養之處不可不至大率一日之中接賢士大夫之時多親寺人宮女之時少則氣質變化自然而成願選名儒入侍勸講講罷留之分直以備訪問或有小失隨事獻規歲月積久必能養成聖德頤每進講色甚莊繼以諷諫聞帝在宮中盥而避蟻問有是乎曰然誠恐傷之爾頤曰推此心以及四海帝王之要道也神宗喪未除冬至百官表賀頤言節序變遷時思方切乞改賀爲慰旣除喪有司請開樂置宴頤又言除喪而用吉禮尙當因時張樂今特設宴是喜之也皆從之帝嘗以瘡疹不御邇英累日頤詣宰相問安否且曰上不

御殿太皇不當獨坐且人主有疾大臣可不知乎翌日宰相以下始奏請問疾蘇軾不悅於頤頤門人賈易朱光庭不能平合攻軾胡宗愈顧臨詆頤不宜用孔文仲極論之遂出管句西京國子監久之加直祕閣再上表辭董敦逸復摭其有怨望語去官紹聖中削籍竄涪州李清臣尹洛卽日迫遣欲入別叔母亦不許明日贖以銀百兩頤不受徽宗卽位徙陝州俄復其官又奪於崇甯卒年七十五頤於書無所不讀其學本於誠以大學語孟中庸爲標指而達於六經動止語默一以聖人爲師其不至乎聖人不止也張載稱其兄弟從十四五時

便銳然欲學聖人故卒得孔孟不傳之學以為諸儒倡  
著易春秋傳以傳於世平生誨人不倦故學者出其門  
最多淵源所漸皆為名士涪人祠頤於北巖世稱為伊  
川先生嘉定十三年賜諡曰正公淳祐元年從祀廟庭  
封浴國公明嘉靖九年改稱先儒崇禎十五年稱先賢  
位七十子下

文廟通考卷三

兩廡先儒

一東六十一位  
一西

公羊高齊人受春秋於子夏為傳至董仲舒始顯於朝  
又四傳而何休為之解詁其書遂大傳唐貞觀二十一  
年以高配享孔子廟永徽中降從祀宋大中祥符二年  
封臨淄伯明嘉靖九年改稱先儒

穀梁赤魯人受春秋於子夏為傳漢宣帝聞衛太子好  
穀梁春秋問丞相韋賢言穀梁氏乃魯學公羊氏乃齊  
學也由是穀梁之學大盛唐貞觀二十一年從祀廟庭  
宋祥符二年封襲邱伯明嘉靖九年改稱先儒

○伏勝字子賤漢濟南人文帝時欲求能治尚書者天下無有聞勝能治召之是時勝年九十餘老不能行乃詔太常使掌故晁錯往受之勝為秦博士當焚書時勝獨壁藏之繼以兵大起流亡漢既定勝求其書亡數十篇獨得二十九篇即以教於齊魯之間凡言今文尚書者皆本勝云唐貞觀二十一年從祀廟庭宋祥符二年封乘氏伯明嘉靖九年改稱先儒

○高堂生字伯漢魯人其先齊公族也齊卿高敬仲食采於高堂因氏焉生其裔也傳儀禮禮自孔子時已不具至秦大壞漢興生為博士傳士禮十七篇即儀禮也漢傳禮者十三家惟生所傳歷久愈明云唐從祀宋封萊蕪伯明改稱先儒

○毛亨魯人鄭氏詩譜曰魯人大毛公為訓詁傳於其家河間獻王得而獻之以小毛公為博士陸機毛詩草木蟲魚疏亦云孔子刪詩授卜商商為之序以授魯人曾申申授魏人李克克授魯人孟仲子仲子授根牟子根牟子授趙人荀卿荀卿授魯國毛亨毛亨作訓詁傳以授趙國毛萇時人謂亨為大毛公萇為小毛公鄭氏陸氏傳授毛詩淵源有自皆以作傳者為毛亨世人因後漢書儒林傳云趙人毛萇傳詩隋書經籍志載毛詩二

十卷漢河間太守毛萇傳於是皆謂傳詩者為毛萇而不知其實出於毛亨也

本朝同治二年從祀

○孔安國字子國孔子十二世孫少學詩於申公受尚書於伏生長則博覽經傳問無常師年四十為諫議大夫遷侍中博士繼為臨淮太守六年以病免年六十卒漢武帝時魯共王好治宮室壞孔子宅欲以廣其宮於壁中得古文尚書及禮論語孝經皆科斗文字王又升孔子堂聞琴瑟鐘磬之音於是懼乃止不壞而悉以書還孔氏科斗書廢已久時人無能知者安國乃考論古今

文字為古文論語訓十一篇孝經傳二篇尚書傳五十八篇皆所得壁中科斗本也又集錄孔子家語為四十四篇既成會值巫蠱事寢不施行唐從祀宋封曲阜伯改稱先儒

董仲舒字寬夫漢廣川直隸景州人少治春秋孝景時為博士下帷講誦弟子傳以久次相受業或莫見其面蓋三年不窺園其精勤如此進退容止非禮不行學士皆師尊之武帝即位詔舉賢良文學之士上親策之仲舒對曰臣觀天人相與之際甚可畏也國家將有失道之敗而天迺先出災害以譴告之不知自省又出怪異以警

文獻通考 卷三  
三  
懼之尙不知變而傷敗乃至以此見天心之仁愛人君而欲止其亂也自非大亡道之世者天盡欲扶持而全安之事在勉強而已矣勉強學問則聞見博而知益明勉強行道則德日起而大有功此皆可使還至而立有效者也道者所繇適於治之路也仁義禮樂皆其具也故聖王已沒而子孫長久安寧數百歲此皆禮樂教化之功也夫人君莫不欲安存而惡危亡然而政亂國危者甚眾所任者非其人而所繇者非其道也夫周道衰於幽厲非道亡也幽厲不繇也至於宣王思昔先王之德興滯補敝明文武功業周道燦然復興上天祐之

爲生賢佐後世稱誦至今不絕此夙夜不懈行善之所致也故治亂興廢在於己非天降命不可反也臣聞命者天之令也性者生之質也情者人之欲也堯舜行德則民仁壽桀紂行暴則民鄙天有治亂之所生故不齊也王者欲有所爲宜求其端於天天道之大者在陰陽陽爲德陰爲刑刑主殺而德主生是故陽常居大夏而以生育長養爲事陰常居大冬而積於空虛不用之處以此見天之任德不任刑也王者承天意以從事故任德教而不任刑也今廢先王德教之官獨任執法之吏而欲德教之被四海難矣爲人君者正心以正朝廷正

文原通考 卷三  
四  
朝廷以正百官正百官以正萬民正萬民以正四方四方正遠近莫敢不壹於正而亡有邪氣奸其間者是以陰陽調而風雨時羣生和而萬物殖諸福之物可致之祥莫不畢至而王道終矣夫萬民之從利如水之走下不以教化隄防之不能止也古之王者莫不以教化爲大務漸民以仁摩民以誼節民以禮故其刑罰甚輕而禁不犯者教化行而習俗美也聖王之繼亂世也掃除其跡而悉去之復脩教化而崇起之教化已明習俗已成子孫循之行五六百歲尙未敗也至秦滅先聖之道而專爲自恣苟簡之治故立爲天子十有四年而亡然其遺毒餘烈至今未滅使習俗薄惡人民頑嚚雖欲善治之亡可奈何法出而姦生令下而詐起譬之琴瑟不調甚者必解而更張之乃可鼓也爲政而不行甚者必變而更化之乃可理也漢得天下以來常欲治而至今不可善治者失之於當更化而不更化也上復策之仲舒對曰臣聞聖王之治天下也少則習之學長則材諸位爵祿以養其德刑罰以威其惡故民曉於禮誼而恥犯其上武王行大誼平殘賊周公作禮樂以文之至於成康囹圄空虛四十餘年此教化之漸而仁義之流也至秦則不然師申韓之說憎帝王之道以貪狠爲俗誅

名而不察實爲善者不必免而犯惡者未必刑也是以百官皆飾虛辭而不顧實外有事君之禮內有背上之心造僞飾詐趨利無恥是以刑者甚多死者相望而姦不息俗化使然也今陛下并有天下莫不率服而功不加於百姓者殆王心未加焉曾子曰尊其所聞則高明矣行其所知則光大矣不在於他在乎加之意而已願陛下因用所聞設誠於內而致行之則三王何異哉陛下夙寤晨興務以求賢亦堯舜之用心也而未云獲者士不素厲也夫不素養士而欲求賢譬猶不琢玉而求文采也故養士莫大庠太學太學者賢士之所關也教化之本原也願興太學置明師以養天下之士數考問以盡其材則英俊宜可得矣郡守縣令民之師帥所使承流而宣化也師帥不賢則主德不宣恩澤不流今吏旣亡教訓於下或不承用主上之法暴虐百姓與姦爲市貧窮孤弱冤苦失職甚不稱陛下之意是以陰陽錯繆氛氣充塞羣生寡遂黎民未濟也夫長吏多出於郎中中郎吏二千石子孫選郎吏又以富訾未必賢也且古所謂有功者以在官稱職爲差非謂積日累久也今則不然累日以取貴積久以致官是以廉恥質亂賢不肖混殽未得其真也臣愚以謂使諸列侯郡守各擇其

吏民之賢者歲貢各二人以給宿衛且以觀大臣之能  
所貢賢者有賞所貢不肖者有罰夫如是諸侯吏二千  
石盡心於求賢天下之士可得而官使也三策之仲舒  
復對曰臣聞天者羣物之祖故徧覆包函而無所殊聖  
人法天而立道亦溥愛而亡私春者天之所以生也仁  
者君之所以愛也夏者天之所以長也德者君之所以  
養也霜者天之所以殺也刑者君之所以罰也孔子作  
春秋上揆之天道下質諸人情參之於古考之於今故  
春秋之所譏災害之所加也春秋之所惡怪異之所施  
也書邦家之過兼災異之變以此見人之所爲其美惡

之極乃與天地通流而往來相應此亦言天之一端也  
天令之謂命命非聖人不行質樸之謂性性非教化不  
行人欲之謂情情非制度不節是故王者上謹於承天  
意以順命也下務明教化民以成性也正法度之宜別  
上下之序以防欲也修此三者而大本舉矣人受命於  
天固超然異於羣生入有父子兄弟之親出有君臣上  
下之誼會遇相聚有耆老長幼之施粲然有文以相接  
驩然有恩以相愛故孔子曰天地之性人爲貴明於天  
性知自貴於物然後知仁誼知仁誼然後重禮節重禮  
節然後安處善安處善然後樂循理樂循理然後謂之



文獻通考 卷三  
君子臣又聞之聚少成多積小致鉅言出於己不可塞也  
行發於身不可掩也言行治之大者君子之所以動  
天地也故盡小者大慎微者著積善在身猶長日加益  
而人不知也積惡在身猶火銷膏而人不見也此唐虞  
之所以得令名而桀紂之可爲悼懼者也夫樂而不亂  
復而不厭者謂之道道者萬世亡敝敝者道之失也先  
王之道必有偏而不起之處故政有旣而不行舉其偏  
者以補其敝而已矣三王之道所祖不同非其相反將  
以挾溢扶衰所遭之變然也故王者有改制之名亡變  
道之實夏尚忠殷尚敬周尚文者所繼之挾當用此也

道之大原出於天天不變道亦不變是以禹繼舜舜繼  
堯三聖相授而守一道亡挾敝之政也繇是觀之繼治  
世者其道同繼亂世者其道變今漢繼大亂之後若宜  
少損周之文致用夏之忠者夫古之天下亦今之天下  
其是天下以古準今豈何不相逮之遠也意者有所失  
於古之道與有所詭於天之理與夫天亦有所分子予  
之齒者去其角傅之翼者兩其足是所受大者不得取  
小也古之所予祿者不食於力不動於末與天同意者  
也夫已受大又取小天不能足而況人虐此民之所以  
囂囂苦不足也身寵而載高位家溫而食厚祿因乘富

貴之資力以與民爭利於下民安能如之哉日削月朘  
寢以大窮民不樂生安能避罪此刑罰之所以蕃而姦  
邪不可勝者也天子大夫者下民之所視倣遠方之所  
四面而內望也豈可以居賢人之位而爲庶人之行哉  
夫皇皇求財利常恐乏匱者庶人之意也皇皇求仁義  
常恐不能化民者大夫之意也若居君子之位當君子  
之行則舍公儀休之相魯無可爲者矣春秋大一統者  
天下之常經古今之通誼也今師異道人異論百家殊  
方指意不同是以上無以持一統法制數變下不知所  
守臣愚以爲諸不在六藝之科孔子之術者皆絕其道

勿使竝進邪辟之說滅息然後統紀可一而法度可明  
民知所從矣天子善其對以仲舒爲江都相丞相衛綰  
因奏所舉賢良或治申韓蘇張之言亂國政者請皆罷  
奏可仲舒爲江都相事易王王帝兄素驕好勇仲舒以  
禮匡正王敬重焉嘗問之曰粵王句踐與大夫泄庸種  
蠡伐吳滅之寡人以爲粵有三仁何如仲舒對曰昔魯  
君問伐齊於柳下惠惠有憂色曰吾聞伐國不問仁人  
此言何至於我哉徒見問耳猶且羞之況設詐以行之  
乎夫仁人者正其誼不謀其利明其道不計其功是以  
仲尼之門五尺之童羞稱五伯爲其先詐力而後仁義

也繇此言之則粵未嘗有一仁也王曰善後公孫宏亦治春秋而希世用事仲舒以宏爲從諛宏嫉之以膠西王亦上兄尤縱恣數害吏二千石言於上使仲舒相之王素聞其賢善待之仲舒兩事驕王皆正身以率下所居而治及去位家居不問產業專以講學著書爲事朝廷有大議使使就問之其對皆有明法元至順元年從祀廟庭明封廣川伯嘉靖九年改稱先儒

○毛萇漢趙人也善詩初孔子刪詩爲三百十一篇以授子夏子夏授曾申曾申授李克克授孟仲子孟仲子授根牟子根牟子授荀卿荀卿授毛亨亨河間人稱大毛

公亨授萇萇爲河間獻王博士稱小毛公獻王修學好古立毛氏學萇每說詩王悅之因取詩傳加毛字以別齊魯韓三詩唐貞觀二十一年配享孔子廟永徽中降從祀宋大中祥符二年封樂壽伯明嘉靖九年改稱先儒

○后蒼字近君漢東海郟人始事夏侯始昌通五經尤通詩禮爲博士蒼說禮數萬言號曰后氏曲臺記授梁戴德戴聖及沛慶普德號大戴聖號小戴今所傳禮記卽聖所刪也明嘉靖九年從祀稱先儒

○杜子春字時元漢緱氏河南人通周官先是秦始皇深

惡周官之書禁絕不傳武帝時有李氏得之上於河間  
獻王獨闕冬官一篇獻王購以千金不得遂取考工記  
補成一篇奏之至成帝時黃門郎劉歆表而出之周禮  
始得列序著於錄略子春受業於歆能通其說家於南  
山因以教授鄉里永明初年已九十猶能誦識鄭興鄭  
眾馬融賈徽賈逵皆受業焉眾逵爲發明其說作周禮  
解後融作周官傳以授鄭康成康成作周官注皆祖子  
春云唐從祀宋封緱氏伯明改稱先儒

○鄭康成名元漢山東高密人少爲鄉嗇夫常詣學宮不  
樂爲吏父雖怒不能禁後游太學事京兆第五元先始

通京氏易公羊春秋三統歷又善九章算術後得東郡  
張恭祖受周官禮記左氏春秋韓詩古文尙書以山東  
無足問者乃西入關事扶風馬融融素驕貴門徒四百  
餘人升堂者僅五十餘生康成在門下從高業之子傳  
受日夜尋誦三年不得見融及融考論圖緯聞康成善  
算召見康成因從質疑義問畢辭歸融喟然曰鄭生去  
吾道東矣康成自游學十餘年乃歸家貧客耕東萊學  
徒已數十百人及黨事起被禁錮遂隱修經業杜門不  
出時何休好公羊學著公羊墨守左氏膏肓穀梁廢疾  
康成乃發墨守鍼膏肓起廢疾休見而歎曰康成入吾

室操吾矛以伐我乎初中興後范升陳元李育賈逵之徒爭論古今學及康成答休義據通深由是古學遂明靈帝末黨禁解何進辟之州郡迫脅不得已詣進進爲設几杖禮待甚優康成不受朝服以幅巾見一宿逃去時年六十弟子益進自遠方至者以千數後袁隗表爲侍中以父喪不行國相孔融深敬之屣履造門敕縣曰昔齊置士鄉越有君子軍皆異賢意也鄭君鄉宜曰鄭公鄉可廣開門衢令容高車號通德門黃巾寇青部避地徐州州牧陶謙接以師友之禮建安元年始還高密道遇黃巾數萬人黃巾知爲康成皆拜約不敢入縣境

袁紹總兵冀州嘗大會賓客康成最後至紹乃延之上坐康成身長八尺飲酒一斛秀眉明目容貌溫偉紹客多豪俊見康成儒者競設異端百家互起康成依方辯對咸出問表皆得所未聞莫不嗟服汝南應邵前自贊曰故泰山太守應仲遠北面稱弟子何如康成笑曰仲尼之門考以四科回賜之徒不稱官闕邵有慚色紹乃舉康成茂才表爲左中郎將不就公車徵爲大司農給安車一乘以病乞還五年春寢疾六月卒年七十四遺令薄葬白郡守以下嘗受業者縗經赴會千餘人所注周易尚書毛詩周禮儀禮禮記論語孝經及諸雜著凡

文獻通考 卷三  
百餘萬言其答諸弟子問五經義者門人又相與依論語撰爲鄭志八篇唐從祀宋封高密伯明改祀於鄉本朝雍正二年復祀廟庭稱先儒

○范甯字武子晉河南南陽人好儒學性質直父汪博學善談名理甯自少多所通覽是時虛浮相扇儒雅日替甯謂其源始於王弼何晏二人之罪深於桀紂王何蔑棄典文不遵禮度游辭浮說波蕩後生飾華言以翳實騁繁文以惑世縉紳之徒翻然改轍洙泗之風緬焉將墜遂令仁義幽淪儒雅蒙塵禮壞樂崩中原傾覆桀紂暴虐止足以滅身覆國爲後世鑒戒耳豈能迴百姓之

視聽哉吾固以爲一世之禍輕歷代之罪重自喪之釁小迷眾之愆大也簡文爲相將辟甯爲桓溫所諷而止溫死始解褐爲餘杭令興學校養生徒絜已修禮志行之士莫不宗之期年風化大行遷臨淮太守封陽遂鄉侯徵拜中書侍郎甯指斥朝士直言無諱王國寶甯甥也諂事會稽王道子懼甯不見容疏隔之甯求出爲豫章太守前豫章守多不利帝曰甯何以身試死耶甯不爲意固請行臨發猶疏言調役勞擾之弊尋詔公卿牧守普議得失甯復陳時政數事帝善之甯在郡大設庠序采磬石於交州以佐學用改革舊制不拘常憲以專

輒任心爲王凝之所劾抵罪子泰棄官稱訴會赦免甯  
嘗患目痛就中書侍郎張湛求方湛因嘲之曰古方宋  
陽子少得其術以授魯東門伯魯東門伯以授左邱明  
遂世世相傳及漢杜子夏鄭康成魏高堂隆晉左太冲  
凡此諸賢有目疾得此方云用損讀書一減思慮二專  
內視三簡外觀四旦晚起五夜早眠六凡六物熬以神  
火下以氣蕙蘊於胸中七日然後納之方寸修之一心  
近能數其目睫遠視尺捶之餘長服不已洞見牆壁之  
外非但明目乃亦延年既免官家於丹陽猶勤經學終  
年不輟年六十三卒著穀梁集解唐從祀宋封新野伯

明改祀於鄉

本朝雍正二年復祀廟庭稱先儒

諸葛亮字孔明漢琅邪

山東沂州

人幼孤隨從父元往依荆

州劉表元卒寓於南陽與石廣元徐元直孟公威遊學  
三人務於精熟亮獨觀其大略每晨夜從容抱膝長嘯  
顧謂三人曰卿三人仕進可至刺史郡守也三人問其  
所至但笑而不答好爲梁父吟每自比於管仲樂毅時  
人莫之許也惟崔州平徐元直謂爲信然先主詣亮凡  
三往乃見因屏人曰漢室傾頽奸臣竊命主上蒙塵孤  
不度德量力欲信大義於天下而智術淺短遂用猖獗

至於今日然志猶未已君謂計將安出亮曰自董卓以來豪傑竝起跨州連郡者不可勝數曹操比於袁紹則名微而眾寡然操遂能克紹以弱爲強者非惟天時抑亦人謀也今曹已擁百萬之眾挾天子以令諸侯此誠不可與爭鋒孫權據有江東已歷三世國險而民附賢能爲之用此可與爲援而不可圖也荊州北據漢沔利盡南海東連吳會西通巴蜀此用武之國而其主不能守此殆天所以資將軍將軍豈有意乎益州險塞沃野千里天府之國高祖因之以成帝業劉璋闇弱張魯在北民殷國富而不知存恤智能之士思得明君將軍旣

帝室之胄信義著於四海總攬英雄思賢若渴若跨有荊益保其巖阻西和諸戎南撫夷越外結好孫權內修政理天下有變則命一上將將荊州之軍以向宛洛將軍身率益州之眾以出秦川百姓孰敢不箝食壺漿以迎將軍者乎誠如是則霸業可成漢室可興矣先主稱善於是與亮情好日密先主率眾南行爲操追破至於夏口亮曰事急矣請奉命求救於孫將軍時權擁軍在柴桑觀望成敗亮曰海內大亂將軍起兵江東劉豫州收眾漢南與曹操竝爭天下今操芟夷大難略已平矣遂破荊州威震海內英雄無用武之地故豫州逃遁至



此願將軍量力而處之若能以吳越之眾與中國抗衡  
不如早與之絕若不能何不案兵束甲北面而事之今  
將軍外託服從之名內懷猶豫之計事急而不斷禍至  
無日矣權曰苟如君言劉豫州何不遂事之乎亮曰田  
橫齊之壯士耳猶守義不辱況豫州王室之胄英才蓋  
世眾士慕仰如水赴海若事之不濟此乃天也安能復  
爲之下權勃然曰吾不能舉全吳之地十萬之眾受制  
於人吾計決矣非劉豫州莫可以當操者然豫州新敗  
安能抗此難乎亮曰豫州兵雖敗於長坂今戰士還者  
及關羽水軍精甲萬人劉琦合江夏戰士亦不下萬人

操眾遠來疲敝聞追豫州輕騎一日一夜行三百里此  
所謂強弩之末不能穿魯縞者也故兵法忌之曰必蹶  
上將且北方之人不習水戰又荊州之民附操者偏兵  
勢耳非心服也將軍誠能令猛將統兵數萬與豫州協  
規同力破操必矣操軍破必北還如此則荆吳之勢強  
鼎足之形成矣成敗之機在於今日權大悅卽遣周瑜  
等水軍二萬隨亮詣先主并力拒之大敗操於赤壁建  
安十六年先主平成都進亮爲軍師將軍署左將軍府  
事二十六年曹丕篡漢先主乃卽帝位以亮爲丞相錄  
尚書事有言亮惜赦者亮曰治世以大德不以小惠章

文獻通考 卷三  
武二年先主在永安病篤召亮於成都屬以後事謂亮曰君才十倍曹丕必能安國終定大事若嗣子可輔輔之如其不才君可自取亮涕泣曰臣敢不竭股肱之力效忠貞之節繼之以死又爲詔敕後主有曰汝與丞相從事事之如父後主卽位封武鄉侯政事無鉅細咸取決焉亮乃約官職修法制整戎旅工械伎巧物必究其極科條嚴明賞罰必信遣鄧芝如吳仍約爲好魏華歆王朗陳羣各有書與亮使舉國稱藩亮不答作正議以絕之建興二年領益州牧選用皆妙簡舊德三年率眾南征所在戰捷聞孟獲爲夷漢竝服生致之旣得使觀

於營陣之間縱使更戰七縱七禽而亮猶遣獲獲止不去曰公天威也南人不復反矣五年率諸軍北駐漢中以圖中原臨行上疏是爲前出師表遂行屯於沔北六年率軍攻祁山南安天水安定三郡叛魏應亮拔冀城獲姜維關中響震曹叡親如長安命張郃拒亮亮使馬謖督諸軍在前與郃戰於街亭謖違亮節制大爲郃所破亮拔西郡千餘家還漢中收謖下獄殺之仍自臨祭爲之涕泣亮上疏請自貶三等於是考微勞甄烈壯引咎自責布所失於境內厲兵講武民忘其敗其年冬亮聞孫權破曹休魏兵東下關中虛弱欲出兵擊之羣臣

多以為疑復上疏是為後出師表於是引兵出散關圍陳倉糧盡引去王雙追之亮擊斬雙七年遣陳式攻武都陰平拔二郡後主詔復丞相八年七月亮使魏延西入羌中大破魏將郭淮於陽溪九年率諸軍出祁山芟其麥大破魏軍與懿遇於上邽之東懿斂軍依險却避再三賈詡魏平數請戰曰公畏蜀如虎奈天下笑何懿病之乃使張郃攻南圍自按中道向亮亮使魏延等逆戰魏兵大敗獲甲首三千級元鎧五千領角弩三千一百張懿還保營亮以糧盡退軍魏遣張郃來追伏弩射殺之亮勸農講武作木牛流馬運米集斜谷口息民休

士三年而後用之十二年春亮悉大眾由斜谷出據武功五丈原與司馬懿對於渭南亮每患糧不繼使己志不伸是以分兵屯田為久住之基耕者襍於渭濱居民之間而百姓安堵軍無私焉相持百餘日其年八月亮疾病卒於軍時年五十四及軍退懿按其營壘處所曰天下奇才也亮遺命葬漢中定軍山因山為墳冢足容棺斂以時服不須器物諡忠武侯洪武二十一年以亮從祀昭烈帝

本朝雍正二年從祀孔子廟庭稱先儒

○王通字仲淹隋河東龍門人始生父隆筮之遇坤之師

曰是子必能通天下之志遂名之曰通隋平江東隆歎  
曰王道無序天下何爲而一乎通年十歲有憂色曰通  
聞古之爲邦有長久之策故夏殷以下數百年四海常  
一統也後世之爲邦行苟且之政故魏晉以下數百年  
九州無定主也上失其道民散久矣一彼一此何常之  
有夫子之歎蓋憂皇綱不振生人勞於聚斂而天下將  
亂乎隆異之遂告以元經之事通年十五受書於東海  
李育學詩於會稽夏璠問禮於河東關子明正樂於北  
平霍汲考易於族父仲華不解衣者六年仁壽三年通  
始冠慨然有濟蒼生之志西遊長安見文帝帝坐太極

殿召見因陳太平十二策尊王道推霸略帝大悅曰得  
生幾晚矣天以生賜朕也下其議於公卿公卿不悅時  
將有蕭牆之釁通知謀之不用也作東征之歌而歸累  
徵皆稱疾不至專以教授爲事大業元年司徒楊素重  
其才行或譖通慢素素以問通通曰使公可慢則僕得  
矣不可慢則僕失矣得失在僕公何預焉素待之如初  
通續詩著禮論樂論修元經贊易號王氏六經六年六  
經大就門人自遠而至往來受業者蓋千餘人河汾之  
教號爲極盛或問何以息謗曰無辯何以止怨曰不爭  
其嘉言懿行門人相與集而記之曰中說十篇明嘉靖

九年從祀稱先儒

○陸贄字敬輿唐浙江嘉興人年十八舉進士又中博學宏詞書判拔萃二科歷鄭縣渭南尉遷監察御史德宗立召爲翰林學士朱泚之亂從幸奉天時天下騷擾遠近徵發書詔日數十下皆出於贄贄若不經思操筆輒成皆周事情中窾會旁吏承寫不及嘗與帝論致寇之由皆羣臣罪帝曰此天命非由人事贄上疏言陛下有股肱之臣有耳目之任見危不能竭其誠臨難不能效其死是皆羣臣之罪陛下方以興衰諉之天命過矣會術者言國家厄運數鍾百六宜有變更帝議加尊號贄

曰尊號本非古制行於安泰之日已累謙沖況今喪亂尤非所宜若以屯難當有變更不若引咎降名以祇天戒帝納其言帝於行宮廡下貯諸道貢獻之物榜曰瓊林大盈庫贄以爲戰守之功賞賚未行而遽私別庫則士卒怨望無復鬪志上疏諫之帝卽命去其榜李懷光反帝徙幸梁供儲不豫道乏食民有獻瓜果者帝欲官之贄曰爵位須宜慎惜不可輕用賜以錢帛可也若授以官則彼突鋸鋒忘軀命者必曰吾之軀命力同瓜果視人如草木誰復肯爲用哉帝居艱難中雖有宰相大小之事必與贄謀之故當時謂之內相帝行止必與俱

山南道險從官相失帝夜召贄不得驚且泣詔軍中得贄者與千金久之乃至帝大喜太子以下皆賀然贄素直諫忤帝意盧杞雖貶帝心庇之贄極言杞姦邪致亂帝貌雖從心頗不悅京師平帝命贄草詔賜渾瑊使訪求奉天所失內人贄諫曰今大難甫平疲瘵之民瘡痍之卒尙未拊循而首訪婦人非所以副維新之望帝不復下詔猶遣中使求之貞元七年罷學士以兵部侍郎知貢舉於進士中得韓愈爲唐代一人明年拜中書侍郎同平章事贄益以天下爲己任面論敷奏不畱餘力或規其太銳曰吾上不負天子下不負所學他無所恤

帝以裴延齡判度支贄言延齡僻戾躁妄不可用復上書五千言數其罪惡帝不悅待延齡益厚延齡日短贄於帝趙憬之入相也贄實引之旣而有憾於贄密以贄所譏彈延齡語告之故延齡益得以爲計帝由是信延齡而不直贄贄與憬約至帝前極論延齡姦邪帝怒形於色憬默而無言贄遂罷爲太子賓客延齡揣帝意薄疏言贄失權怨望爲危言以搖動軍心意不可測帝遂發怒欲誅贄賴陽城等交章論救乃貶忠州別駕居忠州十年常闔戶人不識其面順宗立召還詔未至而卒年五十二諡曰宣贄秉性忠直學術醇正指陳時病洞

若觀火皆本仁祖義而出之以故奏議剴切精當自是政治第一書甚傳於世

本朝道光六年從祀稱先儒

○

韓愈字退之唐南陽

河南修武

人三歲而孤隨伯兄會播遷

韶嶺嫂鄭鞠之後值嫂喪爲服期以報七歲自知讀書日記數千言比長經書通念曉析貞元八年登進士第武寧節度使張建封辟府推官操行堅正鯁言無所忌遷監察御史貶陽山令有愛在民民生子多以其姓字之憲宗卽位權知國子博士遷職方員外郎復貶爲博士愈才高數黜官又下遷乃作進學解以自諭後以考

功知制誥憲宗將平蔡州先命御史中丞裴度使諸軍以視兵及還奏兵可用賊勢可滅頗與宰相意忤旣數月盜殺宰相又害中丞不克中丞微傷馬逸以免遂爲宰相以主東兵自安祿山起范陽陷兩京河南北七鎮節度使身死則立其子作軍士表以請朝廷因而與之習以成故朝廷以苟不用兵爲貴議多與裴度異惟愈與裴度議合故兵遂用元和十二年秋以兵老久屯賊未滅帝命丞相裴度爲淮西節度使以招討之裴度請愈以行爲行軍司馬愈知蔡州精卒悉聚界上以拒官軍守城者率老弱且不過千人亟白丞相請以兵三千

文獻通考 卷三  
人謂趙以入必禽吳元濟丞相未及行而李愬自唐州  
文城壘提其卒以攻入蔡州果得元濟蔡州既平布衣  
栢耆以計謁愈愈與語奇之遂白丞相曰淮西滅王承  
宗膽破可不勞用眾宜使辯士奉相公書明禍福以招  
之彼必服丞相然之愈令栢耆口占爲丞相書明禍福  
使栢耆袖之以至鎮州承宗果大恐上表請割德棣二  
州以獻裴度歸京師愈遷刑部侍郎十四年春正月憲  
宗遣中使迎佛骨至京師王公士庶瞻奉捨施惟恐弗  
及愈惡之乃上表極論帝大怒貶潮州刺史愈至潮問  
民疾苦皆曰惡谿有鱷魚食民畜產且盡民以是窮數

日愈自往視使軍事衙推秦濟以羊一豬一投惡谿之  
潭水以與鱷魚食而祝之是夕暴風震電起谿中數日  
水盡涸西徙六十里自是潮無鱷魚患袁人以男女爲  
隸過期不贖則沒入之愈悉計傭得贖所沒歸之父母  
者七百餘人奏請著爲令布之天下十五年秋召拜國  
子監祭酒生徒多奔走聽聞皆喜曰韓公來爲祭酒國  
子監不寂寞矣穆宗長慶二年鎮州亂殺其帥田宏正  
征之不克遂以王廷湊爲節度使詔愈往宣撫旣行眾  
皆危之元稹奏曰韓愈可惜穆宗亦悔有詔令至境觀  
事勢無必於入愈曰止君之仁也死臣之義也遂疾驅



入廷湊嚴兵拔刃弦弓矢以逆及館甲士羅於庭愈與廷湊監軍使三人就位既坐廷湊言曰所以紛紛者乃此士卒所爲本非廷湊心愈大聲曰天子以爲尙書有將帥才故賜之以節豈意尙書乃不能與健兒語耶語未畢甲士前奮言曰先太師爲國打朱滔滔遂敗走血衣尙在此軍何負朝廷乃以爲賊乎愈曰兒郎等且勿語聽愈言愈將謂兒郎已不記先太師之功與忠矣若記得乃大好且爲逆與順利害不能遠引古事但以天寶來禍福爲兒郎等言之安祿山史思明李希烈梁崇義朱滔朱泚吳元濟李師道復有若子若孫在乎亦有

居官者乎眾曰無愈曰田公以魏博六州歸朝廷爲節度使後至中書令父子皆授旌節劉悟李祐皆居大鎮王承元年始十七亦仗節此皆三軍耳所聞也眾乃曰田宏正刻此軍故此軍不安愈曰然爾曹害田公又殘其家矣復何道眾乃譁曰侍郎語是廷湊恐動眾心遽麾眾散出因泣謂愈曰侍郎來欲令廷湊何所爲愈曰神策六軍之將如牛元翼比者不少但朝廷顧大體不可以棄之耳而尙書久圍之何也廷湊曰卽出之愈曰若爾則無事矣會元翼亦潰圍出廷湊不追愈歸奏其語上大悅轉吏部侍郎凡令史皆不鎖聽其出入或問

愈愈曰人所以畏鬼者以其不能見也鬼如可見則人不畏矣選人不得見令史故令史勢重聽其出入則勢輕三年六月改京兆尹六軍將士皆不敢犯私相告曰是尙欲燒佛骨者安可忤耶四年八月以疾免官十二月卒年五十七天子爲之輟朝贈禮部尙書諡曰文遺命喪葬如禮不得作佛事及拘忌陰陽吉凶人謂守禮法排異教至死猶不變愈性明銳不詭隨與人交始終不少變凡內外親若交友無後者爲嫁遣孤女而卹其家爲文深探本原蓋約六經之旨而成者也自戰國之世老莊與儒者爭衡更相是非至漢明而益之以佛然

好者尙寬晉宋以來日益繁熾自帝王以至士民莫不尊信下者畏慕罪福高者論難空有獨愈惡其蠹財惑眾極力排之乃作原道論者謂其立言正大發先儒所未發尤爲探本云柳宗元得其文先以薔薇露浣手然後讀之其鄭重如此自是之後士之爲文者始知道德仁義爲文章之旨歸易書詩禮春秋爲文章之根柢宋從祀廟庭封昌黎伯明改稱先儒

○韓琦字稚圭宋相州安陽人風骨秀異弱冠舉進士名在第二方唱名太史奏日下五色雲見左右皆賀授將作監丞通判淄州入直集賢院監左藏庫禁中需金帛

皆內臣直批旨取之無印可驗琦請復舊制置傳宣合同司以相防察又每綱運必俟內臣監蒞始得受往往數日不至暴露廡下衙校以爲病琦奏罷之拜右司諫凡事有不便未嘗不言前後七十餘疏王曾爲相謂之曰今言者不激則多畏顧何補上德如君言可謂切而不迂矣曾聞望方崇罕所獎與琦聞其語益自信益州歲饑爲體量安撫使逐貪殘不職吏汰冗役數百活饑民百九十萬趙元昊反琦適自蜀歸論西師形勢甚悉卽命爲陝西安撫使琦與范仲淹在兵間久名重一時人心歸之朝廷倚以爲重故天下稱爲韓范元昊稱臣召爲樞密副使元昊介契丹爲強援邀索無厭宰相晏殊等厭兵將一切從之琦陳其不便條所宜先行者七事繼又陳揀弊八事帝悉嘉納遂宣撫陝西討平羣盜張海郭邈山禁卒羸老不任用者悉汰之盡修廊延城障歸陳西北四策密定討伐之計琦與范仲淹富弼皆以海內人望同時登用中外跂想其勛業仲淹等亦以天下爲己任羣小不便之毀言日聞仲淹富弼繼罷琦爲辨析不報乃請外以資政殿學士知揚州徙定州始潘美鎮河東患寇鈔令民悉內徙而空塞下不耕於是忻代靈化大山之北多廢壤琦以爲此皆良田今棄不

耕適足以資敵將皆爲所有矣遂請距北界十里爲禁地其南則募弓箭手居之墾田至九千六百頃久之求知相州嘉祐三年六月拜同中書門下平章事集賢殿大學士帝旣連失三王自至和中得病不能御殿中外惴恐臣下爭以立嗣固根本爲言包拯范鎮尤激切積五六歲依違未之行言者亦稍怠至是琦乘閒進曰皇嗣者天下安危之所係自昔禍亂之起皆由策不早定陛下春秋高未有建立何不擇宗室之賢者以爲宗廟社稷計又與曾公亮張升歐陽修極言之會司馬光呂誨皆有請琦進讀一疏帝遽曰朕存意久矣誰可者琦

惶恐對曰此非臣輩所可議當出自聖擇帝曰宮中嘗養一子小者甚純近不慧大者可也琦請其名帝以宗實告宗實英宗舊名也琦等遂力贊之議乃定英宗居濮王喪起知宗正命下英宗固辭帝復問琦琦對曰陛下旣知其賢而選之今不敢遽當蓋器識遠大乃所以爲賢也願固起之英宗旣終喪猶堅臥不起琦請遂正其名乃下詔立爲太子明年英宗嗣位以琦爲仁宗山陵使英宗暴得疾太后垂簾聽政帝疾甚舉措改常度遇宦官尤少恩左右共爲讒間兩宮成隙琦與歐陽修奏事簾前太后嗚咽流涕具道所以琦曰此病固爾病

已必不然子疾母可不容之乎修亦委曲進言太后意稍和數日琦獨見上上曰太后待我無恩琦對曰自古聖帝明王不爲少矣然獨稱舜爲大孝豈其餘盡不孝耶父母慈愛而子孝此常事不足道惟父母不慈而子不失孝乃爲可稱但恐陛下事之未至爾父母豈有不慈者哉帝大感悟及疾愈琦請乘輿因禱雨具素服以出人情乃安太后還政拜琦右僕射封魏國公帝寢疾琦入問起居言曰陛下久不視朝願早建儲以安社稷帝頷之卽召學士草制立穎王神宗立拜司空兼侍中爲英宗山陵使琦執政三世或病其專御史中丞王陶劾琦不赴文德殿押班爲跋扈琦請去不復入中書堅辭位除鎮安武勝軍節度使司徒兼侍中判相州入對帝泣曰侍中必欲去今日已降制矣琦辭兩鎮乃但領淮南王安石用事出常平使者散青苗錢琦亟言之帝出其疏以示宰臣曰琦真忠臣雖在外不忘王室朕始謂可以利民今乃害如此且坊郭安得青苗而亦強與之乎安石勃然進曰苟從其欲雖坊郭何害明日稱疾不出當是時新法幾罷安石復出持前議益堅琦又懇奏安石下之條例司令其屬疏駁刊石頒天下琦請辨愈切不克從於是請解四路安撫使止領一路安石欲

沮琦卽從之六年還判相州契丹來求代北地帝手詔  
訪琦琦奏言臣觀近年以來朝廷舉事似不以大敵爲  
恤彼見形生疑必謂我有圖燕南意故引先發制人之  
說造爲釁端所以致疑其事有七臣今爲陛下計謂宜  
遣使報聘具言向來興作乃修備之常豈有他意疆土  
素定悉如舊境不可持此造端以隳累世之好其可疑  
之形如將官之類因而罷去益養民愛力選賢任能疏  
遠奸諛進用忠鯁使天下悅服邊備日充若其果自敗  
盟則可一振威武恢復故疆據累朝之宿憤矣疏上會  
安石再入相悉以所爭地與契丹東西七百里論者惜

之八年換節永興軍再任未拜而薨年六十八前一夕  
大星隕於治所櫪馬皆驚帝發哀苑中哭之慟輟朝三  
日賜銀三千兩絹三千匹發兩河卒爲治家築其碑曰  
兩朝顧命定策元勳贈尙書令諡曰忠獻配享英宗廟  
庭常令其子若孫一人官於相以護邱墓故事三省長  
官惟尙書令爲尤重贈者必兼他官至琦乃單贈後又  
詔雖當追策不復更加師保蓋貴之也琦蚤有盛名識  
量英偉臨事喜愠不形於色嘉祐治平閒再決大策以  
安社稷當是時朝廷多故琦處危疑之際知無不爲或  
諫曰公所爲誠善萬一蹉跌豈惟身不自保恐家無處

文廟通考 卷三  
所琦歎曰是何言也今臣盡力事君死生以之至於成敗天也豈可豫憂其不濟遂輟不爲哉聞者愧服在魏都久遼使每過移牒必書名曰以韓公在此故也忠彥使遼遼主問知其貌類父卽命工圖之其見重於外國也如此在相位時王安石有盛名或以爲可用琦獨不然之及守相陞辭神宗曰卿去誰可屬國者王安石如何琦曰安石爲翰林學士則有餘處輔弼之地則不可上不答其鎮大名也魏人爲立生祠相人愛之如父母有鬪訟轉相勸止曰勿撓吾侍中也與富弼齊名號稱賢相人謂之富韓云徽宗追論琦定策勳贈魏郡王

本朝咸豐二年奉

旨從祀稱先儒

文廟通考卷三終

文廟通考

卷三韓琦

三





